

四庫全書

集部

欽定四庫全書

集部

李太白集注卷十八至二十

詳校官侍郎臣謝墉

檢討臣何思鈞覆勘

總校官編修臣

王興緒

校對官編修臣

何循

謄錄監生臣

趙錫蒲

欽定四庫全書

李太白集注卷十八

錢塘 王琦 撰

古近體詩共三十五首

送韓侍御之廣德

繆本德字下多一令字 唐書地理志江南西道宣城郡有廣

德縣本屬安縣至德二載更名廣德

昔日繡衣何足榮今宵貰酒與君傾暫就東山賒月色

酣歌一夜送泉明

注書侍御史有繡衣直指出討奸猾治大獄顏師古註衣以繡者尊寵之

也漢書高帝紀嘗從王媼武負賁酒顏師古註賁賂也
陶淵明嘗為彭澤令故用之以擬韓侍御也野客叢書
海錄碎事謂淵明一字泉明李白詩多用之不知稱淵
明為泉明者蓋避唐高祖諱耳猶楊淵之稱楊泉非一
字泉明也齊東野語高祖諱淵淵字盡改為泉楊升菴
曰今人改泉明為泉聲可笑賁始制切音世又神夜
切音射
義同

白雲歌送友人

楚山秦山多白雲白雲處處長隨君君今還入楚山裏
雲亦隨君渡湘水水上女蘿衣白雲早臥早行君早起
蕭士贊曰此詩已見七卷特首尾數語不同而此
則尾語差拙恐是初本未經改定者今兩存之

送通禪師還南陵隱靜寺

太平府志隱靜寺在繁昌縣東南二十里隱靜

山一名五峰寺山有碧霄桂月鳴磬紫氣行道五峰寺當五峰之會嶺岼拱合林木幽奇古澗委折殷雷轟地相傳寺為杯渡禪師所建飛錫定基江神送木現諸神異寺外有十里松徑傳云禪師手植或曰距寺二里許有雙松對峙勢若虬龍者卽師手澤又嘗取新羅五葉松種寺西迄今尚存舊誌又言寺有朗公橋杯渡所攜頻伽烏一雙皆晉宋遺跡又有木末鹽齏等池言勅寺時諸物皆從此出云舊額云江東第二禪林按繁昌縣南唐時析南陵分置在唐時尚屬南陵

我聞隱靜山水多奇蹤巖種朗公橋門深杯渡松道

人制猛虎振錫還孤峰他日南陵下相期谷口逢

釋氏要覽

智度論云得道者名為道人餘出家未得道者亦名道人法苑珠林晉沙門于法蘭高陽人也嘗夜坐禪虎入其室因蹲牀前蘭以手摩其頭虎奮耳而伏數日乃去沈約法王寺碑振錫經行祇林晏坐錫釋家所執錫杖一名德杖一名智杖有金環繞之作錫錫聲行時以即步趨者

送友人

青山橫北郭白水遶東城此地一為別孤蓬萬里征浮

雲遊子意落日故人情揮手自茲去蕭蕭班馬鳴

鮑照
燕城

賦孤蓬自振驚砂坐飛浮雲一往而無定跡故以此海子之意落日銜山而不遽去故以此故人之情詩小雅蕭蕭馬鳴左傳有班馬之聲杜預註班別也主客之馬將分道而蕭蕭長鳴亦若有離羣之感畜猶如此人何

堪以

送別

斗酒渭城邊，壚頭醉不眠。梨花千樹雪，楊葉萬條烟。惜

別傾壺醕，臨分贈馬鞭。看君潁上去，新月到應

終本作家圓

水經註長安故咸陽也漢高帝更名新城武帝元鼎三年別為渭城在長安西北渭水之陽史記正義括地志云咸陽故城亦名渭城在雍州北五里今咸陽縣東十五里太平寰宇記故渭城在今縣東北二十二里渭水北卽秦之杜郵其城周八里秦自孝公至始皇皆都於此城武帝元鼎三年更名渭城後漢省併地入長安故此城存史記集解韋昭曰鑑酒肆也以土為墮邊高似鑑漢書註如淳曰酒家開肆待客設酒鑑故以鑑名肆

臣瓚曰：盧酒，笈也。師古曰：二說皆非也。盧者，賣酒之區也。以其一邊高，形如餽家爐，故取名耳。非卽謂火爐及酒笈也。初學記：醕，首酒也。玉篇：醕，美酒也。正字通：俗呼醕為尾酒。醕為頭酒。河南道：潁川、汝陰、郛有潁上縣。太平寰宇記：潁上縣以地枕潁水上游為名。滄浪詩話：太白詩：斗酒渭城邊，壚頭醉不眠。乃岑參之詩，誤編入。琦按：文苑英華亦以此詩為岑參作題云：送楊子岑集亦載之。

江上送女道士褚三清遊南岳

南岳衡山也在今湖廣衡州府衡山

縣西北三十里接衡陽縣及長沙府界

吳江女道士頭戴蓮花巾霓衣

綉本作棠

不濕雨特異陽臺

雲

綉本作神

足下遠遊履凌波生素塵尋仙

蕭本作倦尋

向南岳

應見魏夫人

太平御覽登真隱訣曰太元上丹靈玉女戴紫華芙蓉巾巫山神女旦為朝雲暮為

行雨朝朝暮暮陽臺之下詳見二卷註洛神賦踐遠遊之文履曳露綃之輕裾凌波微步羅襪生塵呂向註遠遊履名步於水波之上如生塵也南岳魏夫人傳魏夫人者晉司徒劇陽文康公舒之女名華存字賢安幼而好道靜默恭謹志慕神仙味真耽玄欲求冲舉吐納氣液攝生夷靜住世八十三年以晉成帝咸和九年歲在甲午太乙元仙進鸞車來迎夫人乃託劍化形而去位為紫虛元君領上真司命南岳夫人化秩仙公使治天台大霍山洞臺中主下訓奉道教授當為仙者男曰真人女曰元君

送友人入蜀

見說蠶叢路崎嶇不易行山從人面起雲傍馬頭生芳

樹籠秦棧春流遠蜀城升沉應已定不必問

繆本作訪

君平

鬻叢蜀王之先詳見三卷蜀道難註李善文選註通俗文曰板閣曰棧史記去輒燒絕棧道索隱曰棧道閣道也音士諫反臣惟音士版反崔浩云險絕之處傍鑿山巖而施板梁爲閣埒按入蜀之道山路縣險不容坦行架木而度名曰棧道以其自秦入蜀之道故曰秦棧水經註成都縣有二江雙流郡下故揚子雲蜀都賦曰兩江珥其前者也高士傳嚴遵字君平蜀人也隱居不仕嘗賣卜於成都市日得百錢以自給卜訖則閉肆下簾以著書爲事徐而菴曰山從二句是承上崎嶇不易行五字勿作好景會

送趙雲卿

白玉一杯酒綠楊三月時春風餘幾日兩鬢各成絲東

燭唯須飲投竿也未遲如逢渭川獵猶可帝王師

此篇與十

二卷內贈錢徵君少陽詩無一字差異蓋編者重入未刪

送李青歸華陽川

胡三省通鑑註華陽川在觀州華陽山南雍勝畧華陽水在漢

中府襄城縣西二十五里源出牛頭山南流與漢水合蕭本作南葉陽川誤

伯陽仙家子容色如青春日月初靈洞雲霞辭世人化

心養精魄隱几宿天真莫作千年別歸來城郭新

列仙傳老

子姓李名耳字伯陽陳人也生於殷時為周柱下史轉為守藏史積八十餘年史記云二百餘年時稱隱君子江淹詩隱淪駐精魄莊子南郭子綦隱几而坐陸德明音義隱隱也丁令威歌去家千年今始歸城郭如故人

非民

送舍弟

吾家白額

一作馬

駒遠別臨東道他日相思一夢君應得

池塘生春草

魏志曹休閒行北歸見太祖太祖謂左右曰此吾家千里駒也吾家白額駒卽吾家

千里駒之意而改用李氏事耳晉書武昭王諱嵩字玄盛姓李氏漢前將軍廣之十六世孫也嘗與太史令郭麐及其同母弟宗繇同宿麐起謂繇曰君當位極人臣李君有國土之分家有駒草馬生白額駒此其時也呂光末京兆段業自稱涼州牧以熒煌太守孟敏為沙州刺史署京盛效穀令敏尋卒護軍郭謙等以玄盛溫穀有惠政推為熒煌太守玄盛初難之宗繇言於玄盛曰君忘郭麐之言耶白額駒今生矣玄盛乃從之謝靈運

夢見從弟惠連得池塘生
春草句詳見十一卷註

送別

得書字

水色南天遠舟行若在虛遷人發佳興吾子訪閒居日

落看歸鳥潭澄羨

一作憐

躍魚聖朝思賈誼應降紫泥書

洪書賈誼為長沙王太傅後歲餘帝思誼徵之紫泥用之以封璽書見七卷註

送鞠十少府

試發清秋興因為吳會吟碧雲斂海色流水折江心我

有延陵劍君無陸賈金艱難此為別惆悵一何深

新序延陵

季子將西聘晉帶寶劍以過徐君詳見十二卷註漢書陸賈有五男出所使趙橐中裝賣千金分其子子二百

金令為
生座

送張秀才謁高中丞

并序

余時繫尋陽獄中正讀留侯傳秀才張孟熊蘊滅胡之策將之廣陵謁高中丞余喜子房之風感激於斯

人因作是詩以送之

史記世家第二十五為留侯世家曰留侯傳蓋變稱也舊唐書

高適者渤海蓆人也為諫議大夫負氣傲言上皇以諸王分鎮適切諫不可及永王叛肅宗聞其論諫有素召而謀之適固陳江東利害永王必敗上奇其對以適兼御史大夫揚州大都督府長史淮南節度使

詔興江東節度來瑱率水部兵平江淮之亂會於安
州師將渡而永王敗適喜言王霸大畧務功名尚節
義逢時多難以安危為已任
然言過其實為大臣所輕

秦帝淪玉鏡

一作六雄
滅金虎

留侯降氛氲感激黃石老經過

滄海君壯士揮金槌報讎六國

綦本作合

聞智勇冠終古蕭

陳難與羣兩龍爭鬪時天地動風雲酒酣

一作縱橫

舞長劍

倉卒解漢紛宇宙初倒懸鴻

綦本作洪

溝勢將分英謀信奇

絕夫子揚清芬

一作夫子稱卓絕超然繼清芬

胡月入紫微三光亂天

文高公鎮淮海談笑却

綦本作廓

妖氛採爾幕中畫戡難光

殊勲我無燕霜感玉石俱燒焚但灑一行淚臨岐竟何

云

尚書帝命驗桀失玉鏡用其噬虎鄭康成註玉鏡謂清明之道史記留侯世家留侯張良者其先韓人也

秦滅韓良悉以家財求刺客刺秦王為韓報仇以大父父五世相韓故良嘗學禮淮陽東見滄海君得力士為賊椎重百二十斤秦皇帝東遊良與客狙擊秦皇帝博浪沙中誤中副車秦皇帝大怒大索天下求賊甚急良乃更姓名亡匿下邳嘗從容步游下邳圯上有一老父衣褐至良所直墮其履圯下顧謂良曰孺子下取履良愕然欲毆之為其老強忍下取履父曰履我良業為取履因長跪履之父以足受笑而去良殊大驚隨目之父去里所復還曰孺子可教矣後五日平明與我會此良因怪之跪曰諾五日平明良往父已先在怒曰與老人期後何也後五日早會五日雞鳴良往父又先在復怒曰後何也後五日復早來五日良夜未半往有頃父亦來

喜曰當如是出一編書曰讀此則為王者師矣後十年
興十三年孺子見我濟北穀城山下黃石卽我矣遂去
不復見旦日視其書乃太公兵法也項羽本紀項羽兵
四十萬在新豐鴻門沛公兵十萬在霸上范增說項羽
急擊勿失項伯者項羽季父也素善張良乃夜馳之沛
公軍私見張良具告以事欲呼張良與俱去毋從俱死
良曰沛公有急亡去不義不可不語良乃入具告沛公
出要項伯入見沛公奉卮酒為壽約為婚姻曰願伯具
言臣之不敢倍德也項伯許諾謂沛公曰旦日不可不
蚤自來謝旦日從百餘騎來見項王至鴻門謝項王因
留沛公與飲范增出召項莊謂曰若入前為壽壽畢請
以劍舞因擊沛公於坐殺之莊則入為壽壽畢曰軍中
無以為樂請以劍舞項王曰諾項莊拔劍起舞項伯亦
拔劍起舞常以身翼蔽沛公莊不得擊張良至軍門見
樊噲噲曰今日之事何如良曰甚急項莊拔劍舞其意
常在沛公也噲曰此迫矣臣請入與之同命噲卽帶劍

擁盾入軍門須臾沛公起如廁因招樊噲出於是遂去
今張良留謝漢四年項王與漢約中分天下割鴻溝以
西者為漢鴻溝而東者為楚項王已約乃引兵解而東
歸漢欲西歸張良陳平說曰漢有天下大半諸侯皆附
之楚兵罷食盡此天亡楚之時也不如因其飢而遂取
之今釋弗擊此所謂養虎自遺患也漢王聽之漢書音
義滄海君晉灼曰海神也如淳曰秦郡縣無滄海或曰
東夷君長也顏師古曰二說並非蓋當時賢者之說也
珙按史記漢書載博浪沙事並云鐵椎惟水經註云張
良為韓報仇於秦以金椎擊秦始皇不中中其副車駱
賓王詩金椎許報韓蓋出於此漢書張良傳贊聞張良
之智勇以為其貌魁梧奇偉反若婦人女子盧諶詩智
勇冠當代史記彭越傳兩龍方鬬且待之說文酣酒樂
也應劭曰不醉不醒曰酣晉書月為胡王陳書陳寶應
起兵沙門惠標作五言詩以送之曰匹馬猶臨水雄騎
稍引風好看今夜月當入紫微宮陳書文參禮樂武定

妖氛謝瞻詩婉婉幕中畫廣韻戲勝也克也太平御覽
郭衍事燕惠王盡忠左右階之王繫之仰天而哭夏五
月天為之降霜書隋征火災
昆岡玉石俱焚 戲音堪

尋陽送弟昌峒

繆本作峒

鄱陽司馬作

鄱陽唐時郡名
卽饒州也隸江

南西道為上州有
司馬一人從五品

桑落洲渚連滄江無雲烟尋陽非剡水忽見子猷船飄

然

繆本作
了見

欲相近來遲杳若仙人乘海上月帆落湖中

天一覩無二諾朝歡更勝昨爾則吾惠連吾非爾康樂

朱紱白銀章上官佐鄱陽松門拂中道石鏡迴清光搖

扇及于越水亭風氣涼與爾期此亭期在秋月滿時過

或未來兩鄉心已斷吳山對楚岸彭蠡當中州相思定

如此有窮盡年愁

太平寰宇記桑落洲在舒州宿松縣西南一百九十四里江水始自鄂陵

分派為九於此合流謂之九江口此洲與江州尋陽縣分中流為界一統志桑落洲在九江府城東北過江五十里昔江水泛漲流一桑於此因名王子猷乘船往刺溪訪戴安道詳見九卷註魏徵詩李布無二諾侯羸重一言宋書謝惠連幼有才悟而輕薄不為父方明所知靈運嘗自始寧至會稽造方明過視惠連大相咨賞謂方明曰阿連才悟如此而尊作常兒過之顧會祓綬也增歸印組也章印章也朱紱銀章詳見十一卷贈劉都使詩註凡除官到任謂之上官司馬州之佐職江西通志松門山在南昌府城西比二百十五里枕鄱湖之東

兩岸悉生松遙望如門故名上有石鏡光可照人謝康樂詩攀崖照石鏡牽紫入松門是也太平寰宇記于越渡在餘干縣西南一百二十步置津吏主守四時不絕于越亭在餘干縣東南三十步屹然孤立古今游者多留題章句焉江西通志于越亭在饒州府餘干縣羊角山文公談苑云前瞰琵琶洲後枕思禪寺林麓森鬱千峰競秀唐初張彥俊建通鑑地理通釋彭蠡在江州潯陽縣括地志在縣東南五十里六典註一名宮亭湖在南康軍星子縣南江州彭澤縣西地理志在豫章郡彭澤縣西郡縣志在都昌縣西六十里與潯陽縣分湖為界禹貢揚州彭蠡既豬卽江漢所匯之澤合江西江東諸水跨豫章饒州南康軍三州之地

饒校書叔雲

少年費白日歌笑矜朱顏不知忽已老喜見春風還惜

別且為懽徘徊桃李間看花飲美酒聽鳥臨晴山向晚

竹林寂無人空閉闌

晉書阮咸任達不拘與叔父籍為竹林之游閉闌猶閉門也江淹恨

賦閉闌却掃塞門不仕

送王孝廉覲省

彭蠡將天合姑蘇在日邊寧親候海色欲動孝廉船窈

窕晴江轉參差遠岫連相思無晝夜東注

蕭本作泣似長川

江西志鄱陽湖在南昌府城東北一百五十里卽禹貢之彭蠡也一名官亭湖一名揚湖湖跨南昌饒州南康三郡合上流諸水入焉周圍數百里闊四十里長三百里每春夏之間江漢水漲則彭蠡之水勢不得流而逆

回例積遂成巨浸瀾渺數百餘里無復畔岸遠夫二水
漸消則彭蠡之水始出大江循南岸而行與二水頡頏
趨海韻會將與也鮑照登大雷岸與妹書長波天合楊
齊賢曰姑蘇蘇州吳郡以其近東海日出之地故云日
邊法言孝莫大於寧親世說張憑舉孝廉出都負其才
氣謂必參時房欲詣劉尹鄉里及同舉者共笑之張遂
詣劉清言獨日因留宿至曉劉曰卿且去正當取卿共
詣撫軍張還船同侶問何處宿張笑而不荅須臾真長
遣傳教覓張孝廉船同侶惋愕

同吳王送杜秀芝舉入京

按詩題當是送杜秀才
赴舉入京芝字疑謔

秀才何翩翩王許回也賢暫別廬江守將遊京兆天秋
山宜落日秀水出寒烟欲折一枝桂還來雁沼前

廬江郡名

卽廬州也隸淮南道通典雍州開元三年改爲京兆府
凡周秦漢晉西魏後周隋至於我唐並爲帝都晉書都
訖曰臣舉賢良對策爲天下第一猶桂林之一枝崑山
之片玉西京雜記梁孝王築兔園園中有雁池池間有
鵲洲鳧渚其諸宮觀相連延亘數十里奇果異
樹瑰禽怪獸畢備王與宮人賓客弋釣其中

洞庭醉後送絳州呂使君杲

蕭本作杲

流澧州

湖廣志洞庭湖

在岳州西南綿跨八百里絳州又謂之絳郡隸河
東道澧州在澧水之陽又謂之澧陽郡隸山南東
道在京師東南一
千八百九十三里

昔別若夢中天涯忽相逢洞庭破秋月縱酒開愁容贈
劍刻玉字延平兩蛟龍送君不盡意書及雁迴峰

中華古今

註晉時斗牛間常有紫氣張華知是劍氣乃以雷煥為
豐城令煥到縣掘縣獄深得劍兩枚一送與張華一煥
自佩後華死子遵佩過延平津躍入水使人尋之乃見
化為龍也雷煥卒子亦佩之於延平津亦躍入水化為
龍矣方輿勝覽回雁峰在衡陽之南雁至此不遇遇春
而回故名或曰峰勢如雁之回湖廣志回雁峰在衡州
府城南里許相傳雁不過衡陽至此而回然聞桂林間
尚有雁聲知此說非矣或謂峰之形勢如雁回轉者是
也南岳周環八百里迴雁為首岳麓為足云

與諸公送陳郎將歸衡陽

并序 按唐書百官志
左右十四衛及太子左

右六率府皆有郎將乃五品官也衡
陽唐時郎名即衡州隸江南西道

仲尼旅人文王明夷苟非其時聖賢低眉況僕之不

肖者而遷逐枯槁固非

非字疑當作亦

其宜朝心不開暮髮

盡白而登高送遠使人增愁陳郎將義風凜然英思

逸發來下曹城之榻去邀才子之詩動清興於中流

泛素波而徑去諸公仰望不及連章祖之序慙起予

輒冠名賢之首作者嗤我乃為撫掌之資乎

京氏易傳易曰

旅人先笑後號咷又曰得其資斧仲尼為旅人固可知矣周易明入地中明夷內文明而外柔順以蒙大難文王以之周易集解鄭玄曰夷傷也日出地上其明乃光至其入地明則傷矣故謂之明夷日之明傷猶聖人君子有明德而遭亂世抑在下位則宜自艱無幹政事以避小人之害也荀爽曰明在地下為坤

所藏大難之象文王君臣相傷故當大難也王弼易
註文王明夷則主可知矣仲尼旅人則國可知矣高
唐賦登高望遠使人心悸晉書左思賦三都初陸機
入洛欲為此賦聞思作之撫掌而笑與弟雲書曰此
間有傖父欲作三都賦須其成當以覆酒甕耳及思
賦出機絕嘆伏以為不能加也遂輟筆焉王羲之與
謝萬書語田里所行故以為撫
掌之資其為得意可勝言耶

衡山蒼蒼入紫冥下看南極老人星迴飈吹散五峰雪
往往飛花落洞庭氣清岳秀有如此郎將一家拖金紫
門前食客亂浮雲世人皆比孟嘗君江上送行無白璧
臨岐惆悵若為分

方輿勝覽南岳一名衡山在衡山縣
西三十里晉因山以名郡湘中記度

應斗衡位值離宮故曰衡山又名霍山南岳記衡山者
朱陵之靈臺太虛之寶洞上承翼軫鈴總萬物故名衡
山下踞離宮統攝火鄉故號南岳赤帝館其巔祝融宅
其陽逮於軒轅以潛霍二山副焉長沙記衡山軒翔聳
拔九十餘丈尊卑參差七十二峰巖洞溪澗泉石之勝
交錯其中又有數十洞十五巖三十八泉二十五溪九
池九潭六源八橋六井三穿三澗此最著者七十二峰
最大者五祝融紫蓋雲臺石廩天柱而祝融為最高水
經註湘水又北徑衡山縣東山在西南有三峰一名紫
蓋一名石廩一名容峰容峰最為疎傑自遠望之蒼蒼
隱天故羅含云望若陳雲自非清霄素朝不見其峰丹
水湧其左醴泉流其右山經謂之岫嶠山為南岳也史
記天官書狼北地有大星曰南極老人老人見治安常
以秋分時候之於南郊晉書老人一星在弧南一曰南
極常以秋分之旦見於景春分之夕而沒於丁見則治
平主壽昌魏書發誓九畢翰飛紫冥謝靈運詩迴飈流

輕雪陸機謝平原內史表懷金拖紫退就散輩後漢書
聖恩橫加猥賜金紫章懷太子註漢官儀曰二千石金
印紫綬也史記孟嘗君在薛招致諸侯賓客及亡人有
罪者皆歸孟嘗君孟嘗君舍業厚遇之以故傾天下之
士食客數千人無貴賤一與文等呂氏春秋郈成子為
魯聘於晉過衛右宰穀臣止而觴之酒酣而送之以璧

送趙判官赴黔府中丞叔幕

冊府元龜趙國珍天寶中為黔府都督本

管經畧等使國珍有武畧習知南方地形在五溪
凡十餘年中原興師惟黔中封境無虞通鑑黔中
節度使趙國珍本牂牁夷也胡三省註趙國珍牂
牁別部充州蠻酋趙君道之裔楊國忠兼劍南節
度以國珍有方畧授黔中都督護五溪十餘年天
下方亂其所部獨寧所謂黔府中丞者即其人歟
中丞是其兼銜耳唐書地理志黔州黔中郡下
都督府本黔安郡天寶元年更名黔音琴

廓落青雲心結交黃金盡富貴翻相忘令人忽自哂
踏
蹬鬢毛斑盛時難再還巨源咄石生何事馬蹄間綠蘿
長不厭却欲還東山君為魯曾子拜揖高堂裏叔繼趙
平原偏承明主恩風霜推一作推獨坐旌節鎮雄藩虎士

秉金鉞蛾眉開玉樽才高幕下去義重林中言水宿五

溪月霜啼三峽猿東風春草綠江上候歸軒宋玉九辨

旅而無友生呂延濟註廓落空寂也韻會踏蹬困頭也

晉書山濤字巨源河內懷人也州辟部河南從事與石
鑒共宿濤夜起蹴鑒曰今為何等時而眠耶知太傅臥
何意鑒曰宰相三不朝與尺一令歸第卿何慮也濤曰

咄石生無事焉蹄間耶投傳而去未二年果有曹爽之事又晉書謝安雖受朝寄然東山之志始末不渝每形於言色史記曾參南武城人孔子以為能通孝道故授之葉作孝經平原君趙勝者趙之諸公子也諸子中勝最賢喜賓客賓客至者數千人漢時御史中丞與司隸校尉尚書令會同得專席而坐詳見十卷註舊唐書天寶中綠邊禦戎之地置八節度使受命之日賜之旌節謂之節度使得以專制軍事外任之重無比焉新唐書百官志節度使辭日賜雙旌雙節行則建節豎六纛入境州縣築節樓迎以鼓角虎士有力之士詳見八卷註詩商頌有虔秉鉞秉執也陸雲吳故丞相陸公誄金鉞鏡日雲旗絳天晉書阮咸任達不拘與叔父籍為竹林之遊謝靈運詩水宿淹晨暮呂延濟註水宿宿舟中也通典黔中古蠻夷之國春秋戰國皆楚地秦惠王欲楚黔中地以武關外易之卽此是也通謂之五溪註云五溪謂酉辰巫武沅五溪也水經註宜都記曰自黃牛灘

東入西陵界至峽口一百許里山水紆曲兩岸高山重嶂非日中夜半不見日月絕壁或千許丈具石彩色形容多所像類林木高茂畧盡冬春猿鳴至清山谷傳響泠泠不絕所謂三峽此其一也白帖荊州記曰巴東三峽猿長鳴至三聲聞者莫不垂淚南齊書凡車有懽者謂之軒

送陸判官往琵琶峽

方輿勝覽琵琶峽在巫山對蜀江之南形如琵琶此鄉婦

女皆曉音律

水國秋風夜殊非遠別時長安如夢裏何日是歸期

楊

菴曰太白詩天山三大雪豈是遠行時又曰水國秋風夜殊非遠別時豈是殊非變幻二字愈出愈奇孟蜀韓琬詩晚日低霞綺晴山遠畫眉青青河畔草不是望鄉時亦祖太白句法

送梁四歸東平

東平唐時郡名卽鄆州也隸河南道

玉壺挈美酒送別強為歡
大火南星月長郊北路難殷

王期負鼎汶水起垂竿
莫學東山臥參差老謝安

六經天文

編夏氏曰仲夏之月初昏之時大火見於南方正午之位史記阿衡欲干湯而無由乃為有莘氏媵臣負鼎俎以滋味說湯致於王道趙絕書伊尹負鼎入殷遂佐湯取天下春秋正義釋例曰汶水出泰山萊蕪縣西南經濟北至東平須昌縣入濟行水金鑑述征記云泰山郡水皆名汶今縣界有五汶皆源別而流同其原山之汶水西南流經鉅封縣治南去縣三里又西南流九十里入鄆州中都縣按五汶者曰北汶小汶柴汶牟汶其一則經流也謝安高臥東山見七卷註

江夏送友人

江夏唐時郡名卽鄂州也屬江南西道

雪點翠雲裘送君黃鶴樓黃鶴振玉羽西飛帝王州鳳

無琅玕實何以贈遠遊徘徊相顧影淚下漢江流

宋玉賦

翳水日之華披翠雲之裘揚齊賢曰黃鶴樓在鄂州圖經云費文禪得仙駕黃鶴憩此鮑照舞鶴賦振玉羽而

臨霞琅玕實

見二卷註

送郝昂謫巴中

按羊士諤詩集有詩題云乾元初嚴黃門自京兆少尹貶巴州刺史

云云詩下註云時郝詹事昂自拾遺貶清化尉黃門年三十餘且為府主與郝意氣友善賦詩高會文字猶存又李華楊駟曹集序刑部侍郎長安孫公邀以文章之冠為考功員外郎精試羣材君與

南陽張茂之京兆杜鴻漸琅琊顧真卿蘭陵蕭頴
士河東柳芳天水趙麟頊丘李瑤趙郡李孝李頌
南陽張階常山閻防范陽張
南容高平郗昂等連年登第

瑤草寒不死移植滄江濱東風洒雨露會入天地

一作池

春予若洞庭葉隨波送逐臣思歸未可得書此謝情人

江淹詩瑤草正翕艷李善註瑤草玉芝也琦按詩家用
瑤草謂珍異之草耳未必專指玉芝而言楚辭洞庭波
兮木
葉下

江夏送張丞

欲別心不忍臨行情更親酒傾無限月客醉幾重春藉

草依流水攀花贈遠人送君從此去迴首泣迷津

孫綽天台

山賦藉萋萋之纖草李善註以草薦地而坐曰藉

賦得白鷺鷥送宋少府入三峡

三峡詳見八卷註

白鷺拳一足月明秋水寒人驚遠飛去直向使君灘

水經

註江水東經羊腸虎臂灘楊亮為益州刺史至此舟覆懸其波瀾蜀人至今猶名之為使君灘太平寰宇記使君灘在萬州東二里大江中昔楊亮赴任益州行船至此覆沒故名一統志使君灘在荊州夷陵州西一百十里

送二季之江東

初發強中作題詩與惠連多慚一日長不及二龍賢西

塞當中路南風欲進船雲峰出遠海帆影挂清川禹穴

藏書地匡山種杏田此行俱有適遲爾早歸旋

謝靈運有登臨

海嶠初發強中與從弟惠連詩劉履曰強中地名今嶠山下有強口疑卽此也世說謝子微見許子將兄弟曰平輿之洲有二龍焉楊齊賢曰西塞山在鄂州陸放翁入蜀記晚過道士磯石壁數百尺色正青了無竅穴而竹樹迸根交絡其上蒼翠可愛自過小孤臨江峰嶂無出其右磯一名西塞山卽玄真子漁父辭所謂西塞山前白鷺飛者李太白送弟之江東云西塞當中路南風欲進船必在荆處作故有中路之句張文潛云危磯插江生石壁劈青玉殆為此山寫真又云已逢嫵媚散花峽不怕艱危道士磯蓋江行推馬當及西塞最為湍險

難上謝靈運詩滅跡入雲峰太平御覽九土文括畧曰
會稽山有一石穴委曲黃帝藏書於此禹得之施宿會
稽志陽明洞天在會稽縣宛委山龍瑞宮舊經云三十
六洞天之一一洞也洞外飛來石下為禹穴傳云禹藏
書處一云禹得玉璽金書於此薛方山浙江通志宛委
山上有石墮壁立中有孔穴號陽明洞卽舊經所謂三
十六洞天之一一洞也夏禹發之得赤珪如日碧珪如
月又於中得金簡玉字之書悟百川之理賀知章纂山
記曰黃帝號委宛穴為赤帝陽明之府於此藏書大禹
始於此穴得書復於此穴藏之人因謂之禹穴匡山卽
廬山也廬山記匡續結廬於山故號匡廬山神仙傳董
奉還豫章廬山下居不種田日為人治病亦不取錢重
病愈者使栽杏五株輕者一株如此數年計得十餘萬
株鬱鬱成林乃使山中百禽羣獸遊戲其下卒不生草
常如芸治告子熟於林中作一草庵示人曰欲買杏者
不須報奉但將穀一器置倉中卽自往取一器杏去常

有人置穀少而取杏多者林中群虎出吼逐之大怖急
挈杏走路旁傾覆至家量杏一如穀多少或有人偷杏
者虎逐之到家鬻至死家人知其偷杏乃送還奉叩頭
謝過乃却使活餽會遲待也謝靈運有南樓中望所遲
客詩云臨江遲來客是也詩小雅言旋言歸
復我邦族謝靈運詩三載期歸旋 遲音治

江西送友人之羅浮

藝文類聚羅浮山記曰羅浮者蓋總稱羅羅山也浮浮山

也二山合體謂之羅浮在增城博羅二縣之境舊說羅浮高三千丈有七十二石室七十二長溪神

明神禽玉樹朱草

桂水分五嶺衡山朝九疑鄉關眇安西流浪將何之素
色愁明湖秋渚晦寒姿疇昔紫芳意已過黃髮期君王

縱疎散雲壑借巢夷爾去之羅浮我還憩峨眉中閣道

萬里霞月遙相思如尋楚狂子瓊樹有芳枝

通典桂州臨桂縣有

離水一名桂江水源多桂不生雜樹漢書南有五嶺之

戍顏師古註

西自衡山之南東窮於海一山之限耳而

別標名則有五馬裴氏廣州記曰大庾始安臨賀桂陽

揭陽是為

五嶺鄧德明南康記曰大庾嶺一也桂陽嶺

田嶺二也九真都隴嶺三也臨賀萌渚嶺四也始安越

成嶺五也

戴凱之竹譜五嶺之說互有異同余往交州

行路所見兼訪舊老考諸古志則今南康始安臨賀為

北嶺臨渾寧浦為

南嶺五都界內各有一嶺以隔南北

之水俱通南越之地南康臨賀始安三郡通廣州寧浦

臨渾二郡在

廣州西南通交州或趙佗所通或馬援所

併厥跡在焉故陸機詩伐鼓五嶺表道九真也徐廣雜

記以刺松陽建

安康樂為五嶺其謬遠矣俞益期與韓

康伯以晉興所統南移大營九岡為五嶺之數又其謬也初學記南岳衡山朱陵之靈臺太虛之寶洞上承冥宿銓德鈞物故名衡山下踞離宮攝位火鄉赤帝館其嶺祝融託其陽故號南岳周旋數百里高四千一十丈東南臨湘川自湘川至長沙七百里九向九背然後不見元和郡縣志九疑山在道州延唐縣東南一百里九山相似行者疑惑故名楊齊賢曰唐安西大都護府初治西州後徙治高昌故地又徙治龜茲而故府復為西州交河郡琦按文義安西字疑訛指為隴右道安西大都護府者恐未是陶潛祭從弟文流浪無成懼負素志嗚呼昔日也已見前註江淹詩終覲紫芳心李善註紫芳紫芝也爾雅黃髮壽也郭璞註黃髮髮落更生黃者邢昺疏舍人曰黃髮老人髮白更黃也曹植詩王其愛玉體俱享黃髮期張銑註黃髮期謂壽考也北山移文誘我松桂欺我雲壑通典嘉州峨眉縣有峨眉山列仙傳陸通者云楚狂接輿也好養生食素盧木實及蕪菁

子游諸名山在蜀峨眉山上
世世見之歷數百年仙去

宣州謝朓樓餞別校書叔雲

一作陪侍御叔華登樓歌江南通志疊

嶂樓在寧國府郡治後卽謝朓為宣城太守時之高齋地一名北樓亦稱謝公樓唐咸通間刺史獨

孤雲改建

易今名

棄我去者昨日之日不可留亂我心者今日之日多煩

憂長風萬里送秋雁對此可以酣高樓蓬萊文章建安

骨中間小謝又清發俱懷逸興壯思飛欲上青天

一作雲

覽明

蕭本作日

月抽刀斷水水更流舉杯消愁愁更

一作復

愁

人生

一作男兒

在世不稱意明朝散髮弄扁舟

一作滄洲

陸機舉棹還

詩長風萬里舉慶雲鬱嵯峨後漢書竇章傳是時學者稱東觀為老氏藏室道家蓬萊山章懷太子註言東觀經籍多也蓬萊海中神山為仙府幽經秘錄並皆在焉東漢建安之末有孔融王粲陳琳徐幹劉楨應瑒阮瑀及曹氏父子所作之詩世謂之建安體風骨遒上最饒古氣鍾嶸詩品論謝惠連云小謝才思富捷恨其蘭玉風凋故長鬢未騁盧思道盧記室諫麗詞泉湧壯思雲飛散髮科頭也扁舟特舟也俱見二卷註

宣城送劉副使入秦

按唐書百官志節度使之下有副使一人同節度副使十

人又安撫使觀察使團練使防禦使之下皆有副使一人

君即劉越石雄豪冠當時淒清橫吹曲慷慨扶風詞虎

嘯俟騰躍鷄鳴遭亂離千金市駿馬萬里逐王師結交
樓煩將侍從羽林兒統兵捍吳越豺虎不敢窺大勳竟
莫敘已過秋風吹秉鉞有季公凜然負英姿寄深且戎
幕望重必台司感激一然諾縱橫兩無疑伏奏歸北闕
鳴騶忽西馳列將咸出祖英寮惜分離斗酒滿四筵歌
笑宛溪湄君携東山妓我咏北門詩貴賤交不易恐傷
中園葵昔贈紫駟駒今傾白玉卮同驩萬斛酒未足解
相思此別又一作外別千里秦吳眇天涯月明關山苦水劇

隴頭悲借問幾時還春風入黃池無令長相思折斷綠

楊枝

晉書劉琨字越石少得烏朗之目與范陽祖納俱以雄豪著名在晉陽嘗為胡騎所圍數重城中窘

迫無計琨乃乘月登樓清嘯賊聞之皆淒然長嘆中夜奏胡笳賊又流涕歎歎有懷土之思向曉復吹之賊並棄圍而走劉越石有扶風歌朝發廣莫門暮宿井水山左手彎繁若右手揮龍淵云云凡九首其橫吹曲今逸不存或指吹胡笳而言恐未的張衡思立賦超踰騰躍絕世俗世說註晉陽秋曰祖逖與劉琨俱以雄豪著名年二十四與琨同辟司州主簿情好綢繆共被而寢中夜聞雞鳴俱起曰此非惡聲也史記所將卒斬樓煩將五人李奇曰樓煩縣名其人善騎射故以名射士為樓煩取其美稱未必樓煩人也張晏曰樓煩胡國名漢書羽林騎送從武帝太初元年置名曰建章營騎後更名羽林騎費昶詩家本樓煩俗名募羽林兒上元中宋州

刺史劉展舉兵反其黨張景超孫待封攻陷蘇湖進逼杭州為溫昇李藏用所敗見後二十八卷註劉劉使於時亦在兵間而功不得錄故有統兵捍吳越豺虎不敢窺大勳竟莫敘已過秋風吹之句詩商頌有虔秉鉞南齊書秉鉞出關凝威江句季公謂李廣琛舊唐書上元二年正月温州刺史李廣琛為宣州刺史充浙江西道節度使十六國春秋英姿邁古藝業超時戎幕節度使之幕府羊祜讓開府表伏聞恩詔拔臣使同台司註台司三公也漢書賈誼此固趙國立名義不侵為然諸者也北關是上書奏事之徒所諸者見十三卷註北史鳴騶清路盛列羽儀章懷太子後漢書註騶騎士也詩大雅韓侯出祖出宿於屠江南通志宛溪在寧國府城東世說謝安在東山畜妓毛萇詩傳北門刺仕不得志也言衛之忠臣不得其志耳古詩採葵莫傷根傷根葵不生交結莫羞貧羞貧交不成漢書高帝紀上奉玉卮為太上皇壽應劭曰卮飲酒禮器也古以角作受四升晉

灼曰音支顏師古曰卮飲酒圓器也韓非子今有白玉之卮而無當庾信蕩子賦關山惟月明郭仲產秦川記隴山東西百八十里登山嶺東望秦川四五百里極目泯然山東人行役至此而顧瞻者莫不悲思故歌曰隴頭流水分離四下念我行役飄然曠野登高望遠泯零雙墮劉三省通鑑註宣州當塗縣有黃池鎮一統志黃池河在太平府城南六十里東接固城河西接蕪湖縣河入大江南至黃池鎮北至宣城縣界江南通志黃池河在池州當塗縣南七十里寧國府城北一百二十里一名玉溪郡東南之水皆聚此出大江河心分界南屬宣城北屬當塗

涇川送族弟鐔

太白自註時盧校書草序常侍御為詩

涇川三百里若耶羞見之
錦石照碧山兩邊白鷺鷥佳

境千萬曲客行無歇時上有琴高水下有陵陽祠仙人
不見我明月空相知問我何事來盧敖結幽期蓬山振
雄筆繡服揮清詞江湖發秀色草木含榮滋置酒送惠
連吾家稱白眉媿無海嶠作敢闕河梁詩見爾復幾朝
俄然告將離中流漾綵鷁列岸叢金羈嘆息蒼梧鳳分
棲瓊樹枝清晨各飛去飄落天南垂望極落日盡秋深

暝猿悲寄情與流水但有長相思

涇川卽涇溪也在涇
縣西南一里唐時隸

宣城郡源出石埭流經南陵宣城踰蕪湖入大江通典
宣州涇縣有涇水越州會稽縣有若耶溪江南通志琴

溪在寧國府涇縣源出自寧國諸山與溪頭水合西過
琴高山下乃名琴溪傳是仙人琴高控鯢之地一統志
望仙亭在陵陽山中峰之半相傳漢竇子明昇仙之地
有唐天寶間所建仙壇宮陵陽祠卽仙壇宮也盧敖詳
見十四卷註學者稱東觀爲道家蓬萊山見前二首註
綉衣御史見十一十二卷註蓬山振雄筆謂盧校書草
敎也繡服揮清詞謂常侍御作詩也馬氏五常白眉最
良見十六卷註謝靈運有登臨海嶠與從弟惠連詩與
子別山阿含酸赴修吟中流袂就判欲去情不忍李陵
與蘇武詩攜手上河梁遊子暮何之劉良註河梁橋也
魏書中山王熙之鎮鄴也知友才學之士袁翻李瑛李
神儒王誦兄弟裴敬憲等咸餞於河梁賦詩告別吳均
詩有客告將離贈言重蘭蕙子虛賦浮文鵠張揖註鵠
水鳥也畫其像於船首宋之問太平公主山池賦文虹
橋兮彩鷁舟陸機雲賦翼靈鳳於蒼梧起
滌龍於潢汙瓊樹枝見二卷註垂邊也

五松山送殷淑

楊齊賢曰五松山在宣州南陵

秀色發江左風流奈若何
仲文了不還獨立揚清波
載

酒五松山頽然白雲歌
中天度落月萬里遙相過
撫酒

惜此月流光畏蹉跎
明日別離去連峰鬱嵯峨

江左江南也詳

見十二卷註晉書殷仲文南蠻校尉顓之弟也少有才藻美容貌

送崔氏昆季之金陵

一作秋夜崔八水亭送崔二

放

一作吳

歌倚東樓行子期
曉發秋風渡江來
吹落山上

月主人出美酒滅燭延清光
二崔向金陵安得不盡觴

水客弄歸棹雲帆卷輕霜扁舟敬亭下五兩先飄揚峽

石入水花碧流日更長思君無歲月西笑阻河梁

劉錄詩羅

帳延秋月呂向註延引也馬融廣成頌張雲帆施蛻情
孟康漢書註扁舟特舟也唐書地理志宣州宣城縣有
敬亭山郭璞江賦覘五兩之動靜韻
會統船上候風羽楚人謂之五兩

登黃山凌

縵本作凌

敵臺送族弟溧陽尉濟充

一作統

汎

舟赴華陰

一本下有得齊字三字
白自註時在當塗卽今之太平也

黃山楊齊賢曰太

在城北凌敵臺在其上太平府志黃山在郎治北
五里高四十丈山如初月形舊傳浮丘公牧雞於
此亦名浮丘山上有宋孝武避暑離宮及凌敵臺
遺址陸放翁入蜀記凌敵臺正如鳳凰臺之類特

因山巔為之宋高祖所營面勢虛曠高出氛埃之
表南望青山龍山九井諸峰如在几席稍西江中
二小山相對云東梁西梁也北戶臨和州新城接
橋歷歷可辨蓋自絕江至和州時十餘里潁陽宣
州縣名隸江南東道華陰郡名
卽華州隸關內道 啟音覽

鸞乃鳳之族翱翔紫雲霓文章輝五色

一作耀
五采

雙在瓊

樹棲一朝各飛去鳳與鸞俱啼炎赫五月中朱曦燦河

堤爾從汎舟役使我心魂悽秦地無草木南雲喧鼓輦

君王減玉膳早起思鳴雞

常是民
飢之訛

漕引救閩輔疲人免

塗泥宰相作霖雨農夫得耕犂靜者伏草間羣才滿金

閨空手

許本
作乎

無壯士窮居使人低送君登黃山長嘯倚

一作

天梯小舟若鳬雁大舟若鯨鯢開帆散長風舒卷

與雲齊日入牛渚晦蒼然夕烟迷相思在何許

一作在
何所一

作定杳在洛陽西

張華禽經註鷺者鳳凰之亞始生類
鳳久則五彩變易高誇淮南子註翺

翺鳥之高飛翼上下曰翺直刺不動曰翔瓊樹鳳所棲
食之樹見二卷古詩第四十首註中郭璞詩朱羲將由

白李善註朱羲日也左傳秦於是輸粟於晉自雍及涇
相繼命之曰泛舟之役舊唐書天寶六載自五月不雨

至秋七月乙酉以旱命宰相臺寺府縣錄繫囚死罪決
杖配流徒以下特免庚寅始雨九載三月時久旱制停

封西岳五月庚寅以旱錄囚徒蓋天寶時京師之旱見
於史者有二未詳此詩作於何年後漢書其旱也公卿

官長以次行雩禮求雨反拘朱索社伐朱鼓春秋繁露
求雨開神山神淵禱祈夜擊鼓祿而燭之文章正宗神
農求雨書祈而不雨則禱祈擊鼓而焚神山章懷太子
後漢書註滴水運也鮑照詩家世宅闕輔李善註闕闕
中也漢書曰右扶風左馮翊京兆尹是為三輔潘岳西
征賦牧疲人於西夏書說命若歲大旱用汝作霖雨江
淹別賦金閨之諸彥李善註金閨金馬門也王逸九思
緣天梯兮北上登太乙今玉臺宜都記俯臨大江如縈
帶馬視舟如鳬雁矣通典宣州當塗縣有牛渚圻亦
謂之采石險固可守處楊齊賢曰華陰在洛陽之西

送儲邕之武昌

武昌縣鄂州之屬
縣也隸江南西道

黃鶴西樓月長江萬里情春風三十度空憶武昌城送
爾難為別銜杯惜未傾湖連張樂地山逐汎舟行諾謂

楚人重詩傳謝朓清滄浪吾有曲寄入棹歌聲

潛確居類書黃

鶴山在武昌府城西南俗呼蛇山一名黃鶴山昔仙人王子安騎黃鶴憩此地志云黃鶴山蛇行而西吸於江其首隆然黃鶴樓枕焉其下卽黃鶴磯莊子帝張咸池之樂於洞庭之野謝朓詩洞庭張樂地瀟湘帝子游史記楚人謂曰得黃金百斤不如得季布一諾南齊書謝朓善草隸長五言詩沈約常云二百年來無此詩也西京賦齊棹女縱棹歌

李太白集注卷十八

欽定四庫全書

李太白集注卷十九

錢塘 王琦 撰

右近體詩共三十二首

訓談少府

一尉居條忽梅生有仙骨三事或可羞西奴晒千秋壯
心屈黃綬浪跡寄滄洲昨觀荆峴作如從雲漢遊老夫

當暮矣蹠足懼驪駒

太平御覽梅福於是棄南昌尉去
妻子入洪崖山得道為神仙代代

有人見或於玉笥山中逢之漢書天子我監登我三事
顏師古註三事三公之位謂丞相也田千秋以一言悟
主旬月取宰相封侯匈奴識之見十一卷註顏師古漢
書註丞尉職卑皆黃綬唐六典註荆山在襄州荆山縣
峴山在襄州襄陽縣詩經集傳雲漢天河也在箕斗二
星之間其長竟天曹粹中曰漢之在天似雲而非雲故
曰雲漢漢書造父善御習馬得驂騑耳之乘顏師古
註驂騑言其色如華之赤也顏延年補白馬賦聖朔雲
而蹀足張銑註蹀足
疾行也蹀音疊

訓字文少府見贈桃竹書筒

苔溪漁隱叢話桃竹葉如梭身如竹密節

而實中犀理瘦骨天成拄杖也嶺外人多種此
胡三省通鑑註桃竹桃枝竹也今江南有之

桃竹書筒綺繡文良工巧妙稱絕羣靈心圓映三江月

彩質疊成五色雲中藏寶訣峨眉去千里提攜長憶君

寶訣仙書也唐書地理志劍南道嘉州羅目縣有峨眉山

五月東魯行荅汶上翁

蕭本作君

五月梅始黃

一作梅子黃一作未黍綠

蠶凋桑柘空魯人重織作機

杼鳴簾櫳顧余不及仕學劍來山東舉鞭訪前途獲笑

汶上翁下愚

一作宵人

忽壯士未足論窮通我以一箭書能

取聊城功終然不受賞羞與時人同西歸去直道落日

昏陰虹此

一作我

去爾勿言甘心如轉蓬

機杼見九卷註
簾櫳見十一卷

註史記燕將攻下聊城聊城人或繞之燕燕將懼誅因
保守聊城不敢歸齊田單攻聊城歲餘士卒多死而聊
城不下魯連乃為書約之矢以射城中遺燕將燕將見
魯連書泣三日乃自殺聊城亂田單遂屠聊城歸而言
魯連欲爵之魯連逃隱於海上曰吾與富貴而詘於人
寧貧賤而輕世肆志焉楊齊賢曰陰虹指林甫國忠輩
昏蔽其君轉蓬蓬草之隨風旋轉者詳見九卷註

早秋單父南樓酬竇公衡

太平廣記崔圓開元二
十三年應將帥舉科又

於河南府充鄉貢進士其日正於福唐觀試過教
下便於試場中喚將拜執戟參謀河西軍事應制
時與越州剡縣尉竇公衡同場並坐親見其
事公衡之名位畧見於此 單父音善甫

白露見日滅紅顏隨霜凋別君若俯仰春芳辭秋條太

山嵯峨夏雲在疑是白波漲東海散為飛雨川上來遙

惟却卷清浮埃知君獨坐青軒下此時結念同所懷

繆本

作同懷者

我閉南樓看

繆本
作者

道書幽簾清寂若

蕭本
作者在

仙居曾

無好事來相訪賴爾高文一起予

梁簡文帝長沙宣武王碑秋條下葉春卉

舍芳江淹詩鍊藥賜虛幌泛瑟臥遙惟盧炎詩青軒明月時謝靈運詩結念屬霄漢孤影莫與諛漢書揚雄家素貧嗜酒人希至其門時有好事者載酒肴從游學江淹詩高文一何綺

山中問荅

一作荅問繆本
作山中荅俗人

問余何意

一作事

棲碧山笑而不荅

一作語

心自閒桃花流

水官

一作宛

然去別有天地非人間

荅友人贈烏紗帽

中華古今註武德九年太宗詔曰自今以後天子服烏紗帽百

官士庶皆

同服之

領得烏紗帽全勝白接羅山人不照鏡稚子道相宜

廣韻

接羅白帽也歸去

來詞稚子候門

訓張司馬贈墨

上黨碧松烟夷陵丹砂末蘭麝凝珍墨精光乃堪掇黃
頭奴子雙鴉鬟錦囊養之懷袖間今日贈余蘭亭去興

來灑筆會稽山

唐時上黨郡卽潞州也屬河東道夷陵郡卽峽州也屬山南東道江淹扇上彩

畫賦粉則南陽鉛澤墨則上黨松心晁氏墨經古用松烟石墨二種石墨自晉魏以後無聞松烟之製尚矣漢貴扶風渝麋終南山之松晉貴九江廬山之松唐則易州潞州之松上黨松心尤先見貴曹植詩墨出青松烟齊民要術合墨法墨一斤好膠五兩雞子白去黃五顆硃砂一兩麝香一兩都合調下鐵臼中宜剛不宜澤搗三萬杵杵多益善雙鴉葉調頭上雙髻色黑如鴉也晁氏墨經凡蓄故墨亦利類風日時以手潤澤之時置於衣袖中彌善水經註會稽山陰縣湖口有亭號曰蘭亭亦曰蘭上里太守王羲之謝安兄弟數往造焉太守王虞之移亭在水中晉司空何無忌之臨郡也起亭於山椒極高盡眺矣太平寰宇記蘭亭在山陰縣西南二十七里與地志云山陰縣西有蘭渚渚有蘭亭王羲之所謂曲水之勝境製序於此元和郡縣志會稽山在越州

欽定四庫全書

卷十九

會稽縣東南二十里

荅湖州迦葉司馬問白是何人

湖州唐時隸江東南道為上州上州

之佐職有司馬一人從五品下通志氏族畧迦葉氏西域天竺人唐貞觀中有涅槃大將試太常卿

迦葉濟司馬治其裔族歟

青蓮居士謫仙人酒肆藏名三十春湖州司馬何須問

金粟如來是後身

楊齊賢曰青蓮居士太白自號也五色線淨名經義鈔梵語維摩詰此云

淨名般提之子母名離垢妻名金機男名善思女名月上過去成佛號金粟如來嚴滄浪曰因問人為迦葉故

作此荅不則誕妄矣

荅長安崔少府叔封遊終南翠微寺太宗皇帝金

沙泉見寄

唐書長安縣南五十里太和谷有太和宮武德八年置貞觀十年廢二十一年

復置曰翠微宮麓山為苑元和中以為翠微寺元和郡縣志太和宮在長安縣南五十五里終南山太和谷武德八年造貞觀十年廢二十一年以時熟公卿重請修築於是使將作大匠間立德繕理焉改為翠微宮今廢為寺雍錄翠微宮武德八年改名太和在終南山上貞觀二十一年改翠微宮寢名含風殿蘇文忠詩曰植立含風廣殿用此也太宗於此宮上仙楊大年談苑曰宮在驪山絕頂太宗嘗避暑於此後改為寺寺亦廢法苑珠林今上皇帝恭膺寶位祥祚惟新思罔極於先皇鴻慈津於羣品鼎湖之駕邈矣不追長陵之魂悠然滋永幸與淨業標樹福田先帝所幸之宮翠微玉華

並捨為寺供施殷厚緣設彫華據此所稱今上皇帝是指高宗而言則唐書所云元和中為翠微寺者非矣又諸書皆云在終南山而談苑云在驪山者又非矣太白詩題亦其一證金沙泉湮沒無可考

河伯見海若傲然誇秋水小物昧

繆本作暗

遠圖寧知通方

士

一作寧識通方理

多君紫霄意獨往蒼山裏地古寒雲

一作雪

深巖高長風起初登翠微嶺復憩金沙泉踐苔朝霜滑

弄波夕月圓飲彼石下流

一作潭

結蘿宿豁煙鼎湖夢淥

水龍駕空

一作何

茫然早行子午關

一作間

却登山路遠

一作却嘆山路遠
一作頗識關路遠
拂琴聽霜猿滅燭乃星飯人烟無明

異鳥道絕往返攀崖倒青天
一作到青山
下視白日晚既過

過一作石門隱還唱一作石潭歌涉雪蹇紫芳一作採紫莖濯

纓想一作清波此一作人不可見此地君自過為余謝

風泉其如幽意何
莊子秋水時至百川灌河涇流之大兩溪渚涯之間不辨牛馬於是河伯

欣然自喜以天下之美為盡在已順流而東行至於北海東面而視不見水端於是河伯始旋其面目望洋向若而嘆曰野語有之曰聞道百以為莫己若者我之謂也吾非至子之門則殆笑吾長見笑於大方之家北海若曰井蛙不可以語於海者拘於虛也夏蟲不可以語於冰者篤於時也曲士不可以語於道者束於教也今語

爾出於涯涘觀於大海乃知爾醜陸德明註若海神也
漢書通方之士不可以文亂顧師古註方道也舊唐書
太宗紀貞觀二十三年四月己亥幸翠微宮五月己巳
上崩於含風殿鼎湖龍駕黃帝昇天事見三卷註以喻
太宗上仙也唐書地理志長安縣南有子午關漢書王
莽以皇后有子孫瑞通子午道子午道從杜陵直絕南
山徑漢中顧師古註子北方也午南方也言通南北道
相當故謂之子午耳今京城直南山有谷通梁漢道名
子午谷又宜州西界慶州東界有山名子午嶺計南北
直相當此則北山是子南山是午共爲子午道元和郡
縣志子午關在長安縣南一百里王莽通子午道因置
此關也一統志子午谷在西安府城南一百五里子午
關在子午谷中漢平帝時置關廣雅寧取也史記註臣
瓚曰拔取曰寧江淹詩終觀紫芳心李善註紫芳紫芝
也

贈李十二

左司郎中崔宗之

附

涼秋八九月白露空園亭耿耿意不暢稍稍

一作情
情繆本

作摘摘
俱誤

風葉聲思見雄俊士共話古今情李侯忽來

儀把袂若不早清論既抵掌玄談又絕倒分明楚漢
事歷歷王霸道擔囊無俗物訪古千里餘袖有七首
劍懷中茂陵書雙眸光照人詞賦凌子虛酌酒絃素
琴霜氣正凝潔平生心事中今日為君說我家有別
業寄在嵩之陽明月出高岑清溪澄素光雲散窻戶

靜風吹松桂香子若同斯游千載不相忘

舊唐書尚書省有左

司郎中一員從五品上崔宗之事蹟見十卷註崔少府女詩哲人忽來儀戰國策見說趙王於華屋之下抵掌而談世說註衛玠別傳曰王平子高氣不羣邁世獨傲每聞玠之語議至於理會之間要妙之際輒絕倒於地前後三問為之三倒時人遂曰衛君談道平子三倒戰國策羸滕履踰負書擔囊史記索隱七首七音比劉氏云短劍也鹽鐵論以為長尺八寸其頭類也故曰七首史記司馬相如家居茂陵口吃而善著書茂陵書蓋用此事魏顯太白集序稱其眸子炯然哆如餓虎少任俠手刃數人西京雜記司馬相如為上林子虛賦意思蕭散不復與外事相關控引天地錯綜古今忽然如睡渙然而興幾百日而後成

音 梢

訓崔五郎中

朔雲橫高天萬里起秋色壯士心飛揚落日空嘆息長
嘯出原野凜然寒風生幸遭聖明時功業猶未成奈何

懷良圖鬱悒獨愁

一作空

坐杖策尋英豪立談乃知我崔

公生民

終本作人

秀緬邈青雲姿制作參造化託諷含神祇

海岳尚可傾吐諾終不移是時霜飈寒逸興臨華池起
舞拂長劍四坐皆揚眉因得窮歡情贈我以新詩又結
汗漫期九垓遠相待舉身憩蓬壺濯足弄滄海從此陵

倒景一去無時還朝遊明光宮暮入閭闔關但得長把

袂何必嵩丘山

顏延年藉白馬賦望朔雲而蹀足楚辭心飛揚兮浩蕩淮南子周視原野原野

謂平原曠野之地也劉琨詩功業猶未建夕陽忽西流楚辭曾歔歔予鬱悵兮王逸註鬱悵憂也後漢書鄧禹卽杖策北渡揚雄解嘲或立談而封侯顏延年詩仲容青雲器實稟生民秀李善註青雲言高遠也後漢書崔瓊之稱平子曰數術窮天地制作倂造化楚辭蛙鼃游乎華池淮南子若士曰吾與汗漫期於九垓之外吾不可以久駐詳見十四卷註蓬壺蓬萊也詳見明堂賦註倒景見二卷古詩第二十首註王褒九懷朝發兮蔥嶺夕至兮明光王逸註暮宿東極之丹壑也又遠遊註云丹丘晝夜常明九懷云夕宿乎明光明光卽丹丘也阮籍詩朝起瀛洲野日夕宿明光淮南子倣真訓排閭闔淪天門高誘註閭闔始昇天之門也又地形訓西方曰

西極之山曰閼闔之門高誘註閼闔大也閼闔也大聚萬物而閉之故曰閼闔之門

以詩代書荅元丹丘

青鳥

一作鳥

海上來今朝發何處口銜雲錦字

一作書

與我

忽飛去鳥去凌紫烟書留綺窓前開緘方

一作時

一笑乃

是故人傳故人深相勗憶我勞心曲離居在咸陽三見

秦草綠置書雙袂間引領不暫閒長望

一作嘆

杳難見浮

雲橫遠山

玉佩金璫經元始天王與大帝乘碧霞流輿輦上登九玄之崖有青鳥來翔口銜紫書集

於玉軒漢武帝內傳盛以雲錦之囊李善文選註古曰鴻頌曰茲亦耿介騰翔紫烟古詩交疏結綺窓李善註

說文曰綺文繒也此刻錄象之蜀都賦列綺窓而瞰江
呂向註綺窓彫畫若綺也陸機詩邃宇列綺窓蘭室接
羅幕張飮註綺窓窓為錦綺之文也說文勗勉也詩國
風亂我心曲韻會懷抱曰心曲楚辭折疏麻兮瑤華將
以遺兮
離居

金門荅蘇秀才

揚雄解嘲歷金門上玉堂
應劭註金門金馬門也

君還石門日朱火始改木春草如有情山中尚含綠折
芳媿遙憶永路當自勗遠見故人心平生以此足巨海
納百川麟閣多才賢獻書入金闕酌醴奉瓊筵屢忝白
雲唱恭聞黃竹篇恩光照

作照

拙薄雲漢希騰遷銘鼎

儻云遂扁舟方渺然我留在金門君

終本作不去

臥丹壑未

果三山期遙欣一丘樂玄珠寄罔象赤水非寥廓願狎

東海鷗共營西山藥栖巖君寂滅

終本作義

處世

蕭本作士

余龍

蠖良辰不同賞永日應閒居鳥吟簷間樹花落窓下書

緣谿見綠篠隔岫窺紅葉採薇行笑歌眷我情何已月

出石鏡間松鳴風琴裏得心自虛妙外物空頽靡身世

如兩忘從君老烟水

張華詩朱火青無光張協詩鑽燧忽改木呂向註改木謂改其鑽火

之木也楚辭折芳馨兮遺所思陸雲詩永路隔萬里蕭
靈運詩百川赴巨海三輔黃圖漢宮殿疏云麒麟閣蕭

何造以藏秘書處賢才也巨海二句是正喻對寫句法
言麟閣之廣集才賢猶巨海之受納百川甚言其多也
金闕天子之門闕猶金門也謝朓詩復酌瓊筵醴張翥
註瓊筵天子宴羣臣之席言瓊者珍美言之醴酒也白
雲唱卽白雲在天山復自出一篇西王母與穆天子相
唱和者詳見大獵賦註穆天子傳曰日中大寒北風雪
有凍人天子作詩三章以哀民曰我徂黃竹口員閼寒
帝收九行嗟我公侯百辟冢卿室我萬民旦夕勿忘我
徂黃竹口員閼寒帝收九行嗟我公侯百辟冢卿室我
萬民旦夕無窮有岐者駘翩翩其飛嗟我公侯口勿則
還居樂甚寡不如遷土禮樂其民天子曰余一人則溫
不皇萬民口登乃宿於黃竹江淹詩宵人重恩光雲漢
天河也雲漢希騰遷猶變身青雲之上意也禮記夫鼎
有銘銘者自名也自名以稱揚其先祖之美而明著之
後世者也楊齊賢曰扁舟言功成名遂身退如范蠡乘
扁舟泛五湖也鮑照詩妍容逐舟壑史記海中有三神

山名曰蓬萊方丈瀛洲神仙居之漢書敘得漁釣於一
壑則萬物不奸其志栖遲於一丘則天下不易其樂莊
子黃帝游乎赤水之北遺其玄珠乃使象罔象罔得之
詳見大獵賦註李喬述志賦寄玄珠於罔象李善文註
註寥廓高遠也列子海上之人有好鵝鳥每旦之海上
徙鵝鳥游鵝鳥之至者百往而不止魏文帝詩西山一
何高高高殊無極上有兩仙童不飲亦不食與我一九
藥光耀有五色沈約詩若蒙西山藥顏齡倘能度周易
尺蠖之屈以求信也龍蛇之蟄以存身也說文篠小竹
也謝靈運詩綠篠媚清漣廣韻山有穴曰岫紅蕖荷華
也詩國風陟彼南山言采其薇未見君子我心傷悲采
傳曰薇似蕨而差大有芒而味苦韻會說文薇似藿菜
之微者也徐鉉曰一云似萍陸機曰山菜也莖葉皆似
小豆蔓生味如小豆藿可作羹項氏曰今之野豌豆苗
也蜀謂之巢菜方弘靜曰月出石鏡間松鳴風琴裏言
月出石若鏡風入松若琴也琦謂石鏡風琴蓋是蘇秀

才山中之地名耳若如方氏所解恐大家未必有
有此句法類靡類壞靡散之義
岫音袖靡音米

訓坊州王司馬與閻正字對雪見贈

唐武德二年析郿州之中

郿郿城二縣置坊州取馬坊為名隸關內道州有司馬一人從六品唐書百官志司經局正字二人從九品上掌校刊經史按實刺叢編天寶中太子正字閻寬拱襄陽令盧拱德政碑未知卽此閻正字

遊子東南來自宛適京國飄然無心雲倏忽復西北訪
戴昔未偶尋嵇此相得愁顏發新歡終宴斂前識閻公
漢庭舊沉鬱富才力價重銅龍樓聲高重門側寧期此

相遇華館倍遊息積雪明遠峰寒城鎖

繆本作返

春色主人

蒼生望假我青雲翼風水如見資投竿佐皇極

宛即南陽縣地

在同時為申伯國戰國時為韓之宛邑秦為宛縣至後魏時改上陌縣後周改上宛縣隋改南陽縣唐因之隸鄧州王子猷雪夜乘小船訪戴安道見九卷註世說嵇康與呂安善每一相思千里命駕漢書上嘗急召太子出龍接門張晏曰門樓上有銅龍若白鶴飛康之為名也謝朓詩平明振衣坐重門猶未聞呂向註重門帝宮門也書洪範建用里極孔安國傳皇大也極中也凡立事當用大中之道

訓中都小吏携斗酒雙魚于逆旅見贈

唐時河南道鄧州東

平郡之中都縣本平陸縣隸兗州天寶元年更名貞元十四年改隸鄧州今為山東之汶上縣

魯酒若琥珀

一作琥珀色

汶魚紫錦鱗山東豪吏有俊氣手

携

一作持

此物贈遠人意氣相傾兩相顧斗酒雙魚表情

素

穆本此下多酒來我飲之贈作別離處二句

雙鯢呀呷鱗鬣張跋刺銀盤

欲飛去呼兒拂机霜刃揮紅肌花落白雪霏為君下筋

一餐飽

一作罷

醉著金鞍上

一作走

馬歸

元和郡縣志汶上北去中都縣二十

四里行水金鑑尚書說云汶水五源皆出襲慶奉符縣界至東北中都縣貫鉅澤入濟史記少年豪吏如蕭曹樊噲等鮑照詩意氣相傾死何有史記蔡澤傳披腹心示情素廣韻鯢魚類也木華海賦猶尚呀呷李善註呀呷波相吞吐之貌鱗鬣魚之翅也在背上曰鱗在鰓下曰鬣野客叢書撥刺者割烈震激之聲善詩文撥刺上

音鉢下音辣魚掉尾聲謝靈運賦魚水深而拔刺杜子
美詩船尾跳魚撥刺鳴曰跋刺曰拔刺曰撥刺字雖少
異其義同也劉勰新論白相相望霜刀競接張協七命
命支離飛霜鈔紅肌綺散素膚雪落太白意本於此謂
其紅者如花白者如雪也廣韻霏雪貌晉書任愷
一食萬錢猶云無可下筋處呬呬呬呬呬呬呬呬呬呬

訓張卿夜宿南陵見贈

南陵宣州之屬縣也隸江南西道

月出魯城東明如天上雪魯女驚莎雞鳴機

蕭本作雞

應秋

節當君相思夜火落金風高河漢挂戶牖欲濟無輕舸
我昔辭林丘雲龍忽相見客星動太微朝去洛陽殿爾
來得茂彥七葉仕漢餘身為下邳客家有圮橋書傳說

未夢時終當起巖野萬古騎辰星光輝照天子與君各

未遇長策委蒿萊寶刀隱玉匣繡

繆本作繡

澁空莓苔遂令

世上愚輕我土與灰一朝攀龍去龜鼉安在哉故山定

有酒與爾傾金壘

四卷註鶯猶趣織鳴懶婦鶯之意江

淹麗色賦秋梭鳴機梁武帝詩鳴機罷秋日謝靈運詩已復謝秋節火大火也卽心星至秋則落而西流詳見

五卷註白帖秋風曰金風廣韵舠小船也客星犯帝座嚴子陵事見二卷註晉書天文志太微天子庭也五帝

之座也十二諸侯府也任昉詩潘冲得茂房夫子值狂生呂向註王戎字潘冲為吏部尚書得李茂房為吏部

郎戎以禮待之左思詩金張籍舊業七葉珥漢貂漢書張湯傳張氏自宣元以來為侍中中常侍諸曹散騎列

校尉者十餘人張良匿於下邳步游沂水圯上遇黄石公受書見七卷註太平御覽帝王世紀曰武丁思建良輔夢天賜賢人姓傅名說乃使工寫其像求諸天下見築者胥靡衣褐帶索役於虞就之間傅巖之野是為傅說登以為相淮南子此傅說之所以騎辰尾也高誘註言殷王武丁夢得賢人使工寫其象旁求之得傅說於傅巖遂以為相為高宗成八十一符致中興死託精於辰尾之星一名策也漢書攀龍附鳳並乘天衢國語鼃鼃之與同階韋昭解鼃鼃蝦蟆也顏師古急就篇註鼃一名螻蝈色青小形而長股圓雅在水者鼃郭璞註鼃也似青蛙大腹一名土鴨金罍酒器也見七卷註 邵音批地音夷鼃音猛

訓岑勛見尋就元丹丘對酒相待以詩見招

世傳顏魯

公所書西京千福寺多寶佛塔碑乃天寶十一載所建其文為南陽岑勛所撰疑卽此人勛古勛

字

卷十九

黃鶴東南來寄書寫心曲倚松開具緘憶我腸斷續不
以千里遙命駕來相招中逢元丹丘登嶺晏碧霄對酒
忽思我長嘯臨清颺寒余未相知茫茫綠雲垂俄然素
書及解此長渴飢策馬望山月途窮造堦墀喜茲一會
面若覩瓊樹枝憶君我遠來我歡方速至開顏酌美酒
樂極忽成醉我情既不淺君意方亦深相知兩相得一
顧輕千金且向山客笑與君論素心

詩國風亂我心曲
鄭箋曰心曲心之

女曲也世說嵇康與呂安善每一相思千里命駕楚辭
寢將帷兮壽宮王逸註寢詞也蓋發語聲也李陵詩思
得瓊樹枝以解長渴飢江淹詩願一見顏色不異瓊樹
枝李周翰註瓊樹玉樹也在崑崙山故難見言君行之
遠思見之難不
異瓊樹枝也

荅從弟幼成過西園見贈

一身自瀟洒萬物何囂諠拙薄謝明時棲閒歸故園二
季過舊壑四鄰馳華軒衣劍照松宇賓徒光石門山童
薦珍果野老開芳樽上陳樵漁事下敘農圃言昨來荷
花滿今見蘭苔繁一笑復一歌不知夕景昏醉罷同所

樂此情難具陳

清淨區中寶

謝靈運王子晉贊王子愛

劉孝綽詩芳搏散緒寒郭璞詩翡翠戲蘭苔李善註蘭苔蘭秀也張銑註苔枝鮮明也古詩歡樂難具陳

音條

訓王補闕惠翼莊廟宋丞泚贈別

詩題疑有外錯按睿宗子申王

撫間元八年薨諡惠莊太子宋泚必為惠莊太子陵廟丞者也翼則王補闕之名耳惠翼當作翼惠

是為

學道三十

蕭本作千

春自言義皇

蕭本作和

人軒蓋宛若夢雲松

長相親偶將二公合復與三山鄰喜結海上契自為天

外賓驚翮我先鍛龍性君莫馴朴散不尚

一作向

古時記

皆失真勿踏荒溪波竭來浩然津薜帶何辭楚桃源堪

避秦世迫且離別心在期隱淪訓贈非炯誠永言銘佩

紳

宋書陶潛嘗言五六月北窓下臥遇涼風暫至自謂是羲皇上人韻會將與也三山蓬萊方丈瀛洲也見

大鵬賦註顏延年詩驚翮有時鍛龍性誰能馴李善註許慎曰鍛殘翮也朴散謂淳朴之風散失也王勣游北

山賦荷衣薜帶藜杖葛巾薜帶用屈原語屈原既為楚所放逐遷於沅湘之間作九歌其山鬼一章云被薜荔

兮帶女蘿蓋指山鬼而言此用其意指屈原以薜荔為帶矣桃源在武陵見一卷註竭發語聲詳見十三卷註

班固幽通賦又申之以炯戒顏師古曰炯明也論語子張書諸紳何晏註紳大帶也邢昺疏子張以孔子之言

書之紳帶意其佩服毋忽亡也以帶來腰
垂其餘以為飾謂之神 錫音傑 薛音佩

訓裴侍御對雨感時見贈

雨色秋來寒風嚴清江爽孤高繡衣人蕭灑青霞賞平
生多感激忠義非外獎禍連積怨生事及徂川往楚邦
有壯士鄢郢翻掃蕩申已哭秦庭泣血將安仰鞭尸辱
已及堂上羅宿莽頗似今之人蠹賊陷忠謹渺然一水

隔何由稅歸鞅日夕聽猿愁

蕭本作怨

懷賢盈夢想

補衣御史所服

見十一十二卷註江淹恨賦鬱青霞之奇意李善註青
霞奇意志意高也謝靈運詩客心非外獎李善註獎勸

也江海詩得失非外獎張銑註得失由心非外物所能
獎勸壯士謂伍胥按史記伍子胥者楚人也父曰伍奢
為太子太傅楚平王信費無極之讒殺伍奢及其子尚
伍子胥奔吳閭閻以為行人與謀國事九年悉興師伐
楚乘勝而前五戰遂至郢時平王已卒子昭王出奔伍
子胥求昭王不得乃掘楚平王墓出其尸鞭之三百然
後已於是申包胥走秦告急求救於秦秦不許申包胥
立於秦庭晝夜哭七日七夜不絕其聲秦哀公憐之曰
楚雖無道有臣若是可無存乎乃遣車五百乘救楚擊
吳通鑑地理通釋郢故城在襄州率道縣南九里今襄
陽府宜城縣郢城在荊州江陵縣東北六里林氏曰江
陵郢也襄陽郢也蠡賊皆害苗之蟲也食根曰蠡食節
曰賊又詩詒蠡賊一蠡以禾將黃而蟲害之故曰蠡賊
取以喻讒惡之人楚辭夕攬中洲之宿莽王逸註草冬
生不死者楚人名之曰宿莽謝朓詩無
由稅歸鞅李周翰註稅息也鞅駕也

贈李十二

攝監察御史崔成甫

附

我是瀟湘放逐臣，君辭明主漢江濱。
天外常求太白

老金陵，捉得酒仙人。

按李華崔孝公文集序云：長子成甫，進士，擢第，授書郎，陝縣尉。

知名當時，不幸早世。其攝侍御史，無考。而唐詩品彙載崔宗之名，成輔以字行，日用之子，開元中官至右司郎中，侍御，謫金陵，與李白以詩酒倡和。云云，蓋以成甫宗之為一人，非也。

訓崔侍御

嚴陵不從萬乘遊，歸臥空山釣碧流。
自是客星辭帝坐

元非太白醉揚州

嚴子陵事見二卷註

翫月金陵城西孫楚酒樓達曙歌吹日晚乘醉著
紫綺裘烏紗巾與酒客數人棹歌秦淮往石頭訪

崔四侍御

景定建康志舊傳秦始皇時望氣者言五百年後金陵有天子氣於是東游以

厥之乃鑿方山斷長壘為瀆入於江是曰秦淮按
寶錄註本名龍藏浦其水有二源一發自華山經
少容西南流一發自東廬山經溧水西北流入江
寧界二源合自方山埭西注大江分汊屈曲不類
人工疑非秦皇所開或曰方山西瀆直屬上山三
十里是秦開又鑿石硤山西而疏決此浦因名秦
淮江南通志秦淮在江寧府上元縣東南以秦始
皇所開故曰秦淮有二源一出句容縣之華山一
出溧水縣之東廬山合流由方山埭北流西入通
濟水門南經武定鎮淮飲虹三橋又西出三山水

門沿石城以達於江胡三省通鑑註石頭城在今
建康城西二里張舜民曰石頭城者天生城壁有
如城然在清涼寺北覆舟山上江行自北來者循
石頭城轉入秦淮六朝事跡吳孫權沿淮立柵又
於江岸必爭之地築城名曰石頭嘗以腹心大臣
鎮守之輿地志云環七里一百步在縣西五里去
臺城九里南枕秦淮口今清涼寺之西是也諸葛
亮論金陵地形云鍾阜龍盤石城虎踞真帝王之
宅正謂
此也

昨翫西城月青天垂玉鉤朝沽金陵酒歌吹孫楚樓忽
憶繡衣人乘船往石頭草裏烏紗巾倒披紫綺裘兩岸
拍手笑疑是王子猷酒客十數公崩騰醉中流謔浪掉

蕭本作梓

海客喧呼傲陽侯半道逢吳姬卷簾出揶揄我憶

君到此不知狂與羞月下

蕭本作一月

一見君三杯便迴橈

捨舟共連袂行上南渡橋興發歌綠水秦客為之搖

一作

謳

雞鳴復相招清宴逸雲霄贈我數百字字字凌風颭

繫之衣裘上相憶每長謠

鮑照凱月城西門廨中詩始見西南樓織纖如玉鉤繡衣

御史所服詳見十一十二卷註紫綺紫綾也古詩紫綺為上襦王子猷雪夜乘舟訪戴安道事見九卷註詩

國風謔浪笑傲應劭漢書註陽侯古之諸侯也有罪自投江其神能為大波後漢書王霸至市中募人市人皆

大笑舉手邪揶之章懷太子註說文曰歎癖手相笑也歎音弋丈反癖音踰或音由此云邪揶語輕重不同廣

韻撓楫也綠水古歌曲
見四卷註 梳音銳

江上荅崔宣城

唐時宣州有宣城
縣隸江南西道

太華三芙蓉明星玉女峰尋仙下西岳陶令忽相逢問
我將何事湍波歷幾重貂裘非季子鶴氅似王恭謬忝
燕臺召而陪郭隗蹤水流知入海雲去或從龍樹繞

洲月山鳴鵲鎮鐘還期如可訪台嶺蔭長松

一統志太
華山在陝

西華陰縣南一十里即西岳也以西有少華山故此曰
太華白虎通云西方太陰用事萬物生華故曰華山是
山削成四方高五千仞有芙蓉明星玉女三峰蒼龍嶺
黑龍潭白蓮池日月崖及仙人掌石月之勝陶令謂陶潛

潛嘗為彭澤令以喻崔宣城戰國策李兌送蘇子黑貂之裘黃金百鎰蘇子得以為用西入於秦季子蘇秦字也見史記註晉書王恭嘗披鶴氅裘涉雪而行孟和窺見之嘆曰此真神仙中人也燕臺郭隗見二卷註蘆洲舊註指為樊口之蘆洲琦按鮑照還都道中詩昨夜宿南陵今旦入蘆洲是蘆洲當在南陵之下若樊口之蘆洲舊傳為伍子胥所渡處其地乃在武昌與南陵宣城殊遠恐未是元和郡縣志鵲頭鎮在宣州南陵縣西一百一十里即春秋時楚伐吳敗于鵲岸是也沿流八十里有鵲尾洲吳時屯兵處孫綽游天台山賦苟台嶺之可攀亦何羨於層城又曰藉萋萋之纖草蔭落落之長松 瑩昌兩切昌上聲隗五委切危上聲

荅族姪僧中孚贈玉泉仙人掌茶

并序

余聞荊州玉泉寺近清溪諸山山洞往往有乳窟窟

中多玉泉交流其

解本無其字

中有一

一作見

白蝙蝠大如鴉

按仙經蝙蝠一名仙鼠千歲之後體白如雪

一作銀

棲

則倒懸蓋飲乳水而長生也其水邊處處有茗草羅

生枝葉如碧玉惟玉泉真公常采

蕭本作來

而飲之年八

十餘歲顏色如桃花而此茗清香滑熟異於他者所

以能還童振枯扶

一作壯

人壽也余遊金陵見宗僧中

孚示余茶數十片拳然重疊其狀如手號為仙人掌

茶蓋新出乎玉泉之山曠古未覲因持之見遺兼贈

詩要余荅之遂有此作後之高僧大隱知仙人掌茶

發乎中孚禪子及青蓮居士李白也

方輿勝覽玉泉寺在荆門軍當

陽縣西南二十里玉泉山陳光大中浮屠知顓自天台飛錫來居此山寺雄于一方殿前有金龜池一統

志玉泉寺在荊州當陽縣西三十里隋大業間建清溪山在南漳縣臨沮城界內其山高峻東有泉潛確

居類書玉泉山在當陽泉色白而瑩又曰珠泉泉南為天台智者道場卽闕帝遣鬼工所造北朴子千歲

蝙蝠色如白雪集則倒懸腦重故也述異記荊州清溪秀壁諸山山洞往往有乳窟窟中多玉泉交流中

有白蝙蝠大如鴉按仙經云蝙蝠一名仙鼠千載之後體白如銀棲卽倒懸蓋飲乳水而長生也太白此

序所謂余聞者蓋本之此本草拾遺乳穴水近乳穴處流出之泉也人多取水作飲疎酒大有益其水濃

者稱之重於他水煎之上有鹽花此真乳液也說文
茗茶芽也郭璞爾雅註茶樹小如槐子冬生葉可煮
作羹飲今呼早採者為茶晚取者為茗呂溫南岳彌
陀寺承遠和尚碑開元二十三年至荊州玉泉寺謁

蘭若真和尚即玉泉

真公也

蟬音鞭

常聞玉泉山山洞多乳窟仙鼠如白鴉倒懸清溪

一作深

月茗生此中石玉泉流不歇根柯灑芳津採服潤肌骨

叢

終本作楚

老卷綠葉枝枝相接連曝成仙人掌似拍洪崖

肩舉世未見之其名定誰傳宗英乃禪伯投贈有佳篇

清鏡燭無鹽顧慙西子妍朝坐有餘興長吟播諸天

郭璞

詩左挹浮丘袖右拍洪崖肩薛稷西京賦註洪崖三皇
時使人新序齊有婦人極醜無雙號曰無鹽女趙岐孟
子註西子古之好女西施也佛書言三界共有三十
二天自四天王天至非有想非無想天總謂之諸天

訓裴侍御留岫師彈琴見寄

岫音就

君同鮑明遠邀彼休上人鼓琴亂白雪秋變江上春瑤
草綠未衰攀翻寄情親相思兩不見流淚空盈巾

鮑照字明

遠與休上人以詩相贈答見十二卷註錦繡萬花谷內
有德智外有勝行在人之上名上人初學記琴歷曰琴
曲有幽蘭白雪樂府詩集謝希逸琴論曰劉涓子善歌
琴制陽春白雪曲琴集曰白雪師曠所作商調曲也唐
書樂志曰白雪周曲也張華博物志曰白
雪者太帝使素女鼓五十弦瑟曲名也

張相公出鎮荊州尋除太子詹事余時流夜郎行

至江夏與張公相

蕭本缺相字

去千里公因太府丞王

昔使車寄羅衣二事及五月五日贈余詩余荅以

此詩

舊唐書肅宗以張鎰不切事機逆罷相位授荊州大都督府長史尋徵為太子賓客職官

志東宮官屬有太子賓客四員正三品太子詹事一員正三品太府寺有丞四人從六品上

張衡殊不樂應有四愁詩慙君錦繡段贈我慰相思鴻

鵠復矯翼鳳凰憶故池榮樂一如此高山老紫芝

張衡四愁

詩序張衡不樂久處機密陽嘉中出為河間相時天下新與蠻蠻不得志為四愁詩四思曰美人贈我錦繡段

云云揚雄解嘲蟠翼屬翺翺翼舉翼也李善文選註晉中興書曰荀勗從中書監為尚書令人賀之乃發惠曰奪我鳳凰池卿諸人何賀我即慎蒙名山記商山在陝西商州東九十里一名楚山一名商洛山漢四皓隱處四皓采芝採莫莫高山深谷遙遙眈眈紫芝可以療飢

醉後荅丁十八以詩譏予搥碎黃鶴樓

閩伯理黃鶴樓記州

城西南隅有黃鶴樓國經云昔黃禪登仙嘗駕黃鶴還憩於此遂以名樓

黃鶴高樓已搥碎黃鶴仙人無所依黃鶴上天訴玉帝
却放黃鶴江南歸神明太守再雕飾新圖粉壁還芳菲
一州笑我為狂客少年往往來相譏君平簾下誰家子

云是遼東丁令威作詩調

終本作

我驚逸興白雲遠筆窓

前飛待取明朝酒醒罷與君爛漫尋春暉

漢書黃霸為潁川太守吏

民咸稱神明漢書嚴君平卜筮於成都市得百錢足自養則閉肆下簾而投老子搜神後記丁令威本遼東人

學遁於靈墟山

楊升菴曰李白過武昌見崔顥黃鶴樓詩嘆服之不復作去而賦金陵鳳凰臺其後禪僧用

此事作一偈曰一華撻碎黃鸝樓一脚踢翻鸚鵡洲眼前有景道不得崔顥題詩在上頭旁一遊僧亦舉前二

句而繼之曰有意氣時消意氣不風流處也風流又一僧云酒逢知己藝登當行原是借此一事設辭非太白

詩也流傳之久信以為真宋初有人偽作太白醉後答丁十八詩黃鸝高樓已撻碎一首樂史編太白遺詩遂

收入之近世解學士作弔太白詩云也曾撻碎黃鸝樓也曾踢翻鸚鵡洲殆類優伶之語太白一何不幸耶琦

按太白江夏贈韋南陵詩原有我且為君撻碎黃鶴樓
君亦為吾倒却鸛鵒洲之句要是設言之辭而玩此詩
則真有撻碎一事矣要之禪僧偈語本用贈韋詩中語
非醉荅丁十八一詩本禪僧之偈而偽撰也升菴因彼
而疑此殆亦目
曉之見也夫

荅裴侍御先行至石頭驛以書見招期月滿泛洞

庭

方輿勝覽汪彦章石頭驛記云自豫章絕江而
西有山屹然並江而出者石頭渚也阻江負城

十里而近胡三省通鑑註

石頭驛在豫章江之西岸

君至石頭驛寄書黃鶴樓開緘識遠意速此南行舟風

水無定準湍波或

一作成

滯留憶昨新

一作初

月生西簷若

瓊鈎今來何所似破鏡懸清秋恨不三五明平湖泛澄

流此歡竟莫遂狂殺王子猷巴陵定近遠持贈解

繆本作何

人憂

古樂府破鏡飛上天古時三五明月滿張銑註三五謂十五日也王子猷用乘舟訪戴事見九卷註

巴陵縣名屬岳州古巴丘也洞庭湖在其地

荅高山人兼呈權顧二侯

虹霓掩天光哲后起康濟應運生夔龍開元掃氛翳太
微廓金鏡端拱清遐裔輕塵集嵩岳虛點盛明意謬揮
紫泥詔獻納青雲際讒惑英主心恩疏佞臣計徬徨庭

闕下歎息光陰逝未作仲宣詩先流賈生涕挂帆秋江
上不為雲羅制山海向東傾百川無盡勢我於鷓鴣子
相去千餘歲運闊英達稀同風遙執袂登艫望遠水忽
見滄浪棹高士何處來虛舟渺安繫衣貌本淳古文章
多佳麗延引故鄉人風義未淪替顧侯達語默權子識
通蔽曾是無心雲俱為此留滯雙萍易飄轉獨鶴思凌
厲明晨去瀟湘共謁蒼梧帝

楊齊賢曰虹霓指太平公
主輩哲后指玄宗晉書虹

蜺日旁氣也斗之亂精漢書夫日者衆陽之宗天光之
寶潘尼釋奠頌於穆伊何思文哲后書蔡仲之命康濟

小民開元玄宗卽位所改年號晉書天文志太微天子
庭也五帝之座也尚書考靈曜秦失金鏡註曰金鏡喻
明道也端拱謂端居拱手猶垂拱無爲之義晉書阮孚
傳正應端拱嘯咏以樂當年耳遐裔遠方也張華鶴鶴
賦鷗鷖窟於幽陰孔翠生乎遐裔隋書涓流赴海誠心
屢竭輕塵集岳功力益微裴駸史記集解序譬譬星之
繼朝陽輕塵之集華岳紫泥古人用之以封詔書詳七
卷註班固兩都賦序朝夕論思日月獻納仲宣王粲字
也作七哀詩而登瀛陵岸回首望長安漢書賈誼上疏
陳政事曰臣竊惟事勢可爲痛哭者一可爲流涕者二
江淹詩曠哉宇宙間雲羅更四陳史記范蠡事越王句
踐句踐以霸而范蠡稱上將軍以爲大名之下難以久
居乃浮海出齊變姓名自謂鴟夷子皮耕於海畔鮑照
詩登樓眺淮甸李善註李裴曰艦船前頭刺櫂處也謝
朓詩早玩華池陰復鼓滄浪柁廣韻柁也滄浪柁用
楚辭漁父事詳六卷註謝靈運詩虛舟有超越李周翰

註輕舟而進曰虛舟楊齊賢曰通蔽通塞也漢書太史公留滯周南雙萍喻權顧二侯獨鶴喻高山人班固覽海賦遵霓霧之掩蕩登雲塗以凌厲博雅凌馳也廣韻凌歷也漢書息夫躬傳鷹隼橫厲類師古註厲疾飛也凌厲猶橫厲也方輿勝覽湘水自陽海發源至零陵與瀟水會二水合流謂之瀟湘吳均詩欲謁蒼梧帝過問沅湘姬蒼梧帝謂虞舜 杞音裔

荅杜秀才五松山

蕭本缺山字

見贈

舊註五松山南陵銅坑西五六里

昔獻長楊賦天開雲雨歡當時待詔承明裏皆道揚雄才可觀勅賜飛龍二天馬黃金絡頭白玉鞍浮雲蔽日去不返總為秋風摧紫蘭角巾東出商山道採秀行歌

咏芝草路逢園綺笑向人兩

繆本作而

君解來一何好聞道

金陵龍虎盤還同謝朓望長安千峯夾水向秋浦五松

名山當夏寒銅井炎爐歆九天赫如鑄鼎荆山前陶公

覆鑠

繆本作攬燥

呵赤電回祿睢盱揚紫烟此中豈是久留

處便欲燒丹從列仙愛聽松風且高臥颼颼

繆本作颼颼

吹

盡炎氛過登崖獨立望九州陽春欲奏誰相和聞君往

年游錦城章仇尚書倒屣迎飛牋絡繹奏明主天書降

問迴恩榮翽翽不能就珪組至今空揚高蹈

繆本作道

名夫

子工文絕世奇五松新作天下推吾非謝尚邀彦伯異

代風流各一時一時相逢樂在今袖拂白雲開素琴彈

為三峽流泉音從茲一別武陵去去後桃花春水深

漢書

揚雄傳孝成帝時客有薦雄文似相如者召雄待詔承明之庭從至射熊館還上長楊賦卿因筆墨之成文章故籍翰林以為主人子墨為客卿以諷顏師古註承明殿在未央宮長楊宮名也在盩厔縣中有射熊館李善曰諸以才術見知直於承明待詔即見故曰待詔馬唐制學士出入院例賜飛龍廐馬一匹天馬御廐之馬也俱詳九卷註古樂府青絲繫馬尾黃金絡馬頭吳均詩白玉鐙衡鞍黃金馬腦勒文子日月欲明浮雲蔽之叢蘭欲秀秋風敗之商山采芝見本卷註楚辭采三秀兮山間王逸註三秀謂芝草也漢書漢興有園公綺里季

夏黃公角里先生此四人者當秦之世避而入商洛深山以待天下之定也金陵之地鍾山龍蟠石城虎踞詳見七卷註謝朓詩晚登三山還望京邑詩瀟湘望長安河陽視京縣秋浦水名在池州秋浦縣依此水立名詳八卷註唐書地理志南陵有銅官冶元和郡縣志銅井山在南陵縣西南八十五里出銅一統志銅官山在銅陵縣南十里又名利國山山有源泉冬夏不竭可以浸鉄煮銅舊嘗于此置銅官場韻會畝炎氣也元和郡縣志荆山在虢州湖城南卽黃帝鑄鼎之處列仙傳陶安公者六安鑄冶師也教行火火一旦散上行紫色冲天公伏治下求哀須臾赤雀止治上曰安公安公治與天通七月七日迎汝以赤龍至期赤龍至大雨而安公騎之東南上一城邑數萬人衆共送視之皆與辭訣云覆鉢勇健貌漢光武稱馬援語見十一卷註左傳禼火於玄冥回祿杜預註回祿火神莊子而睢睢而盱盱郭象註睢盱盱盱跋扈之貌初學記小風曰颺水經註風颺

颺而颺颺寒寒詩清風送涼氣薄暮蕩炎氛新序客有
歌於郢中者為陽春白雪國中屬而和者數十人而已
錦城卽屬郡成都府城詳三卷八卷註通鑑天寶五載
以劍南節度使章仇兼瓊為戶部尚書寶刻叢編章仇
兼瓊魯郡任城人官至戶部尚書殿中監諡曰忠三國
志蔡邕才學顯著貴重朝廷常車騎填巷賓客盈坐聞
王粲在門制屣迎之粲至年既幼弱容狀短小一生盡
驚邕曰此王公孫也有異才吾不如也韻會絡繹連屬
不絕也趙壹詩駢儕門邊章懷太子註駢儕高亢悻
直之貌晉書袁宏字彥伯有逸才文章絕美曾為咏史
詩是其風情所寄少孤貧以運租自業謝尚時鎮牛渚
秋夜乘月率鬪與左右微服泛江會宏在舫中詠詠聲
既清會辭又藻拔遂駐聽久之遣問焉荅曰是袁臨汝
郎誦詩卽其咏史之作也尚傾率有勝致卽迎升舟與
之議論申旦不寐自此名譽日茂尚為安西將軍豫州
刺史引宏參其軍事邢邵遺辛術書足下今能如此可

謂異代一時樂府詩集琴集曰三峽流泉晉阮咸所作
也武陵桃花見二卷註歟音翳睢音輝肝音吁聽音

搜翫杭上

聲隣音昇

至陵陽山登天柱石訓韓侍御見招隱黃山

楊齊賢曰

陵陽山在涇縣西南百里乃實子明釣得白龍放
之之處按地志陵陽山在池州府石埭縣之北寧
國府宣城縣之西三峰連接迤邐屈盤天柱石是
其山之一峰也洪焘祖新安續志新安廣錄云郡
西北黃山有三十六峰也宣池接壤巖岫秀麗可
愛仙翁釋子多隱其中山有湯泉色紅可以澡淪
一統志黃山在寧國府太平縣南三十里昔黃帝
與浮丘仙人煉丹於此山當宣徽二郡界有三十
二峯三十六源二十
四溪十八洞八大巖

韓衆騎白鹿西往華山中玉女千餘人相隨在雲空見

我傳秘訣精誠與天通何意到陵陽游目送飛鴻天子

昔避狄與君亦乘驄擁兵五陵下長策馭繆本作過胡戎時

泰解繡衣脫身若飛蓬鸞鳳翻羽繆本作翕翼啄粟坐樊籠

海鶴一笑之思歸向遼東黃山過石柱巘嶧上攢叢因

巢翠玉樹忽見浮丘公又引王子喬吹笙舞松風朗咏

紫霞篇請開藥珠宮步綢繆碧落倚樹招青童何日可

攜手遺形入無窮

神仙傳劉根字君安如華陰山中見一人乘白鹿車從者十餘人左右玉

女四人執米旄之節皆年十五六餘再拜稽首求乞一言神人乃告曰爾間有韓衆否荅曰實間有之神人曰我是也稽康詩目送歸鴻手揮五絃後漢書桓典拜侍御史常乘驄馬京師畏憚五陵謂獻陵昭陵乾陵定陵橋陵也詳見八卷註過秦論振長策而御宇內任昉詩時泰玉階平綈衣御史之服詳見十一十二卷註枚乘七發飛鳥聞之翕翼而不能去呂延濟註翕歛也陶潛詩久在樊籠裏復得返自然謝靈運詩連嶂疊嶂嶂李善註嶂學崖之別名甘泉賦翠玉樹之青蔥列仙傳王子喬者周靈王太子晉也好吹笙作鳳凰鳴游伊洛之間遇道士浮丘公接以上嵩高山蕭士贊曰紫霞篇卽黃庭內景經也經曰上清紫霞虛皇前太上大道玉晨君間居華珠作七言散化五行變萬神是爲黃庭曰內篇梁丘子註華珠上清境宮闕名也真誥使經師授以方諸洞房步綱之道真靈位業圖栢成子高湯時退耕修步綱之道度人經道言昔於始青天中碧落空歌註

云始青天乃東方第一天有碧霞徧滿是云碧落真靈
位某園龔仲陽幼陽兄弟二人受道於青童君莊子廣
成子曰余將去汝入無窮之門以遊無極之野琦按太
白武昌宰韓君碑云雲卿文章冠世拜監察御史朝廷
呼為子房李翱韓夫人常氏墓誌銘禮部郎中雲卿好
立節義有大功於昭陵其事跡史傳不載觀此詩所謂
天子昔避狄與君亦乘驄擁兵五陵下長兼馭胡戎之
句相合韓侍御之為雲卿殆無疑矣但太白未嘗作侍
御何以云與君亦乘驄即豈他人之作誤採入集
抑字句少有訛謬歟 嗽語寔切年上聲考音巧

訓崔十五見招

爾有鳥跡書相招琴溪飲手跡尺素中如天落雲錦讀
罷向空笑疑君在我前長吟字不減懷袖且三年

水經
註

頗本鳥跡為字取其孳乳相生故文字有六義焉一統志琴溪在寧國府涇縣東北二里溪側有石臺相傳琴高控鯉之所古詩呼兒烹鯉魚中有尺素書木華海賦雲錦散文于沙汭之際張銑註云錦朝霞也古詩置書懷袖中三

歲字不減

荅王十二寒夜獨酌有懷

昨夜吳中雪子猷佳興發萬里浮雲卷碧山青天中道流孤月孤月滄

膠本作蒼

浪

一作波

河漢清北斗錯落長庚明

懷余對酒夜霜白玉牀金井冰崢嶸人生飄忽百年內

且須酣暢萬古情

王子猷居山陰夜大雪眠覺開室命酌酒忽憶戴安通詳九卷註謝莊月

賦素月流天滄浪猶滄涼寒冷之意廣雅太白謂之長庚曹憲音釋金星也晨見東方為啟明昏見西方為長庚牀井欄也玉牀金井者言其美麗之飾如玉如金也陸機嘆逝賦時飄忽其不再君不能狸膏

金距學鬪雞坐令鼻息吹虹霓君不能學哥舒橫行青

海夜帶刀西屠石堡取紫袍吟詩作賦北窗裏萬言

直一杯水世人聞此

一作之

皆掉頭有如東風射馬耳

藝文

類聚莊子謂惠子曰羊溝之雞三歲為株相者視之則非良雞也然而數以勝人者以狸膏塗其頭濁雅翼關雞私取狸膏塗其頭輒鬪無敵此非有厭勝特是狸能捕雞異雞聞狸之氣則畏而走左傳季郇之雞鬪季氏介其雞郇氏為之金距高誘曰金距施金芒於距也梁簡文帝雞鳴篇陳思助鬪協狸膏郇昭姑敵安金距玄

宋好閫難時以闕難供奉者若王華賈昌之流皆赫奕
可畏詳見二卷註舊唐書哥舒翰天寶七載築神威軍
於青海上吐蕃至攻破之又築城於青海中龍駒島吐
蕃屏跡不敢近青海吐蕃保石堡城路遙而險久不拔
八載以朔方海東監牧十萬衆委翰總統攻石堡城翰
使麾下將高秀巖張守瑜進攻不旬日而拔之上錄其
功拜特進鴻臚員外卿與一子五品官賜物千匹莊宅
各一所加攝御史大夫太平廣記哥舒翰為安西節度
控地數千里甚著威令故西鄙人歌之曰北斗七星高
哥舒夜帶刀吐蕃總殺盡更築兩重濠胡三省通鑑音
註石堡城本吐蕃鉄切城也宋白曰石堡城在龍支縣
西四面懸崖數十仞石路盤屈長三四里西至赤嶺三
十里莊子鴻蒙
抱脾崔躡掉頭魚目亦笑我請一作
與明月同驂騑拳

踟不能食蹇驢得志鳴春風折楊黃華合流俗晉君聽

琴枉清角巴

一作幾

人誰肯和陽春楚地猶來賤奇璞黃

金散盡交不成白首為儒身被輕一談一笑失顏色蒼

蠅貝錦喧謗聲曾參豈是殺人者讒言三及慈母驚

張協

詩瓊瓊誇璣璫魚目笑明月明月謂明珠也穆天子
傳天子之驄赤驥盜驪白義踰輪山子渠黃華騮綠耳
郭璞註華騮色如華而赤今名馬綠赤者為冬騮棗騮
赤也離騷僕夫悲予馬懷兮蜷局顧而不行王逸註蜷
局詰屈不行貌廣韻蹢躅不伸也拳跼與蜷局蹢躅義
同漢書驕駕罷牛騶蹇驪兮顏師古註蹇跛也莊子大
聲不入里耳折楊皇華則嗑然而笑陸德明註折楊皇
華皆古歌曲也韓非子晉平公曰音莫悲于清徵乎師
曠曰不如清角乎平公曰清角可得而聞乎師曠曰不可
昔日黃帝合鬼神于太山之上駕象車而六蛟龍畢方

並轄出尤居前風伯進掃雨師洒道虎狼在前鬼神在後騰蛇伏地鳳凰覆上大合鬼神乃作清角今主君德薄不足聽之聽之將恐有敗平公曰寡人老矣所好者音也願遂聽之師曠不得已而鼓之一奏之有玄雲從西北方起再奏之大風至大雨隨之裂帷幕破俎豆墮廊瓦坐者散走平公恐懼伏於廊室之間晉國大旱赤地三年平公之身遂瘡病已人陽春事見二卷註奇璞用卞和獻玉事見四卷註司馬彪詩卞和潛幽誰能證奇璞蒼蠅即青蠅也詩小雅營營青蠅止於樊豈弟君子無信讒言又萋兮斐兮成是貝錦彼譖人者亦已太甚新序昔者曾參之處鄭人有與曾參同名姓者殺人告其母曰曾參殺人其母織自若也頃然一人又來告之其母曰吾子不殺人有頃一人又來告其母投杼下機踰牆而走夫以曾參之賢與其母信之也然三母懼焉

與君論心握君手榮辱於余亦何有孔聖猶

聞傷鳳麟董龍更是何雞狗一生傲岸若不諧恩疎媒
勞志多乖嚴陵高揖漢天子何必長劍拄頤事玉階達
亦不足貴窮亦不足悲韓信羞將絳灌比穉衡恥逐屠
沽兒君不見李北海英風豪氣今何在君不見裴尚書

土墳三尺蒿棘

一作下

居少年早欲五湖去見此彌將鐘

鼎疎

史記孔子將西見趙簡子至於河而聞竇鳴犢舜華之死也曰竇鳴犢舜華晉國之賢大夫也趙簡

子未得志之時須此兩人而後從政及其已得志殺之乃從政丘聞之也刳胎殺夭則麒麟不至郊竭澤涸源則蛟龍不合陰陽覆巢毀卵則鳳凰不翔何則君子諱傷其類也夫鳥獸之於不義也尚知避之而况乎丘哉

乃還息乎。陬鄉作爲陬操以哀之。又孔子嘗嘆鳳鳥之不至，悲西狩之獲麟，或指此二事而言，亦可也。十六國春秋：王墮爲宰相，著匪躬之節，性剛峻，疾惡雅好，直言右僕射董榮以佞幸進，疾之如仇。每於朝見之際，畧不與言。或謂之曰：「董尚書貴幸一時，無此公宜降意接之。」墮曰：「董龍是何雞狗，而令國士與之言乎？」榮聞而慙恨。會有天變，榮言於苻生曰：「天譴甚重，宜以貴臣應之。」乃殺墮。龍榮之小字也。鮑照詩：「傲岸平生中，不爲物所裁。」宋玉神女賦：「交希恩疎，不可盡暢。」楚辭：「心不固兮媒勞。」嚴子陵事，註見二卷。說苑：「大冠若箕，長劍拄頤。」史記：韓信爲淮陰侯，居常鞅鞅，羞與絳灌等列。後漢書：「福衡來游，許下是時。」許都新建賢士大夫四方來集，或問衡曰：「盍從陳長文、司馬伯達乎？」對曰：「吾焉能從屠沽兒耶？」唐書：「李邕字泰和，揚州江都人。開元二十三年起爲括州刺史。後歷淄滑二州刺史。上計京師，邕早有名，重義愛士，父斥外不與，士大夫接旣入朝，人間傳其眉目，環異。」

至阡陌聚觀後生望風內謁門巷填隘中人臨問索所
為文章具進上以讒媚不得留出為汲郡北海太守天
寶中左驍衛兵曹參軍柳勣有罪下獄邕嘗遺勣馬宰
相李林甫素忌邕因傳以罪就郡杖殺之邕雖誅不進
而文名天下時稱李北海盧藏用嘗謂邕如干將鏌耶
難與爭鋒但虞其傷缺耳後卒如言邕資豪放不能治
細行所在賄謝田游自肆終以敗云江鄰幾雜志李白
詩君不見裴尚書古墳三尺蒿棘居問修唐書呂縉叔
云是淮又云是冕宋次道云是檢校官與李北海作對
非齷齪人也琦按玄宗朝裴耀卿為尚書左僕射裴光
庭為吏部尚書裴淮為吏部尚書裴佃先為工部尚書
裴寬為戶禮二部尚書裴敦復為刑部尚書凡六裴尚
書太白所指稱未知何人考裴敦復以平海賊功為李
林甫所忌貶淄川太守與李邕皆坐柳勣事同時杖死
今與李北海並稱或者正指其人而言似為近
之若裴冕之為尚書左僕射則又在肅宗時矣

李太白集注卷十九